

四庫全書薈要

• 乾隆御覽本

史部

欽定四庫全書

史部

隋書卷三十二

史部

詳校官內閣侍讀臣孫球



欽定四庫全書蒼要卷四千六百七十六

史部

隋書卷三十二

唐太尉揚州都督監修國史上柱國趙國公臣長孫無忌等撰

志第二十七

經籍一經

夫經籍也者機神之妙旨聖哲之能事所以經天地緯陰陽正紀綱弘道德顯仁足以利物藏用足以獨善學之者將殖焉不學者將落焉大業崇之則成欽明之德

匹夫克念則有王公之重其王者之所以樹風聲流顯
號美教化移風俗何莫由乎斯道故曰其為人也溫柔
敦厚詩教也䟽通知遠書教也廣博易良樂教也絜靜
精微易教也恭儉莊敬禮教也屬辭比事春秋教也遭
時制宜質文迭用應之以通變通變之以中庸中庸則
可久通變則可大其教有適其用無窮實仁義之陶鈞
誠道德之橐籥也其為用大矣隨時之義深矣言無得
而稱焉故曰不疾而速不行而至今之所以知古後之

所以知今其斯之謂也是以大道方行俯龜象而設卦
後聖有作仰鳥跡以成文書契已傳繩木棄而不用史
官既立經籍於是興焉夫經籍也者先聖據龍圖握鳳
紀南面以君天下者咸有史官以紀言行言則左史書
之動則右史書之故曰君舉必書懲勸斯在考之前載
則三墳五典八索九丘之類是也下逮殷周史官尤備
紀言書事靡有闕遺則周禮所稱太史掌建邦之六典
八法八則以詔王治小史掌邦國之志定世繫辨昭穆

內史掌王之八柄策命而貳之外史掌王之外令及四方之志三皇五帝之書御史掌邦國都鄙萬民之治令以贊冢宰此則天子之史凡有五焉諸侯亦各有國史分掌其職則春秋傳晉趙穿弒靈公太史董狐書曰趙盾弒其君以示於朝宣子曰不然對曰子為正卿亡不越境反不討賊非子而誰齊崔杼弒莊公太史書曰崔杼弒其君崔子殺之其弟嗣書死者二人其弟又書乃舍之南史聞太史盡死執簡以往聞既書矣乃還楚靈

王與右尹子革語左史倚相趨而過王曰此良史也能
讀三墳五典八索九丘然則諸侯史官亦非一人而已
皆以記言書事太史總而裁之以成國家之典不虛美
不隱惡故得有所懲勸遺文可觀則左傳稱周志國語
有鄭書之類是也暨夫周室道衰紀綱散亂國異政家
殊俗褻賤失實隳紊舊章孔丘以大聖之才當傾頽之
運歎鳳鳥之不至惜將墜於斯文乃述易道而刪詩書
修春秋而正雅頌壞禮崩樂咸得其所自慙人萎而微

言絕七十子散而大義乖戰國縱橫真偽莫辨諸子之
言紛然淆亂聖人之至德喪矣先王之要道亡矣陵夷
踳駁以至於秦秦政奮豺狼之心剗先代之迹焚詩書
坑儒士以刀筆吏為師制挾書之令學者逃難竄伏山
林或失本經口以傳說漢氏誅除秦項未及下車先命
叔孫通草繇蒞之儀救擊柱之弊其後張蒼治律歷陸
賈撰新語曹參薦蓋公言黃老惠帝除挾書之律儒者
始以其業行於民間猶以去聖既遠經籍散逸簡札錯

亂傳說紕繆遂使書分為二詩分為三論語有齊魯之
殊春秋有數家之傳其餘互有踳駁不可勝言此其所
以博而寡要勞而少功者也武帝置太史公命天下計
書先上太史副上丞相開獻書之路置寫書之官外有
太常太史博士之藏內有延閣廣內祕室之府司馬談
父子世居太史探采前代斷自軒皇逮于孝武作史記
一百三十篇詳其體制蓋史官之舊也至于孝成祕藏
之書頗有亡散乃使謁者陳農求遺書於天下命光祿

大夫劉向校經傳諸子詩賦步兵校尉任宏校兵書太史令尹咸校數術太醫監李柱國校方技每一書就向輒撰為一錄論其指歸辨其訛謬叙而奏之向卒後哀帝使其子歆嗣父之業乃徙溫室中書於天祿閣上歆遂總括羣篇撮其指要著為七畧一曰集畧二曰六藝畧三曰諸子畧四曰詩賦畧五曰兵書畧六曰術數畧七曰方技畧大凡三萬三千九十卷王莽之末又被焚燒光武中興篤好文雅明章繼軌尤重經術四方鴻生

鉅儒負袞自遠而至者不可勝算石室蘭臺彌以充積
又於東觀及仁壽閣集新書校書郎班固傅毅等典掌
焉並依七畧而為書部固又編之以為漢書藝文志董
卓之亂獻帝西遷圖書縑帛軍人皆取為帷囊所收而
西猶七十餘載兩京大亂掃地皆盡魏氏代漢采掇遺
亡藏在祕書中外三閣魏祕書郎鄭默始制中經祕書
監荀勗又因中經更著新簿分為四部總括羣書一曰
甲部紀六藝及小學等書二曰乙部有古諸子家近世

子家兵書兵家術數三曰景部有史記舊事皇覽簿雜
事四曰丁部有詩賦圖讚汲冢書大凡四部合二萬九
千九百四十五卷但錄題及言盛以縹囊書用緗素至
於作者之意無所論辯惠懷之亂京華蕩覆渠閣文籍
靡有子遺東晉之初漸更鳩聚著作郎李充以勗舊簿
校之其見存者但有三千一十四卷充遂總沒衆篇之
名但以甲乙為次自爾因循無所變革其後中朝遺書
稍流江左宋元嘉八年秘書監謝靈運造四部目錄大

凡六萬四千五百八十二卷元徽元年祕書丞王儉又
造目錄大凡一萬五千七百四卷儉又別撰七志一曰
經典志紀六藝小學史記雜傳二曰諸子志紀今古諸
子三曰文翰志紀詩賦四曰軍書志紀兵書五曰陰陽
志紀陰陽圖緯六曰術藝志紀方技七曰圖譜志紀地
域及圖書其道佛附見合九條然亦不述作者之意但
於書名之下每立一傳而又作九篇條例編乎首卷之
中文義淺近未為典則齊永明中祕書丞王亮監謝朓

又造四部書目大凡一萬八千一十卷齊末兵火延燒

祕閣經籍遺散梁初祕書監任昉躬加部集又於文德

殿內列藏衆書華林園中總集釋典大凡二萬三千一

百六卷而釋氏不豫焉梁有祕書監任昉殷鈞四部目

錄又文德殿目錄其術數之書更為一部使奉朝請祖

暉撰其名故梁有五部目錄普通中有處士阮孝緒沉

靜寡慾篤好墳史博采宋齊已來王公之家凡有書記

參校官簿更為七錄一曰經典錄紀六藝二曰記傳錄

紀史傳三曰子兵錄紀子書兵書四曰文集錄紀詩賦
五曰技術錄紀數術六曰佛錄七曰道錄其分部題目
頗有次序割析辭義淺薄不經梁武敦悅詩書下化其
上四境之內家有文史元帝克平侯景收文德之書及
公私經籍歸于江陵大凡七萬餘卷周師入郢咸自焚
之陳天嘉中又更鳩集考其篇目遺闕尚多其中原則
戰爭相尋干戈是務文教之盛符姚而已宋武入關收
其圖籍府藏所有纔四千卷赤軸青紙文字古拙後魏

始都燕代南略中原粗收經史未能全具孝文徙都洛邑借書於齊祕府之中稍以充實暨於爾朱之亂散落人間後齊遷鄴頗更搜聚迄於天統武平校寫不輟後周始基關右外逼彊隣戎馬生郊日不暇給保定之始書止八千後稍加增方盈萬卷周武平齊先封書府所加舊本纔至五千隋開皇三年祕書監牛弘表請分遣使人搜訪異本每書一卷賞絹一匹校寫既定本即歸主於是民間異書往往間出及平陳已後經籍漸備檢

其所得多太建時書紙墨不精書亦拙惡於是總集編次存為古本召天下工書之士京兆韋霈南陽杜頤等於祕書內補續殘缺為正副二本藏于宮中其餘以實祕書內外之閣凡三萬餘卷煬帝即位祕閣之書限寫五十副本分為三品上品紅瑠璃軸中品紺瑠璃軸下品漆軸於東都觀文殿東西廂構屋以貯之東屋藏甲乙西屋藏景丁又聚魏已來古跡名畫於殿後起二臺東曰妙楷臺藏古跡西曰寶臺藏古畫又於內道場集

道佛經別撰目錄大唐武德五年克平偽鄭盡收其圖書及古跡焉命司農少卿宋遵貴載之以船泝河西上將致京師行經底柱多被漂沒其所存者十不一二其目錄亦為所漸濡時有殘缺今考見存分為四部合條為一萬四千四百六十六部有八萬九千六百六十六卷其舊錄所取文義淺俗無益教理者並刪去之其舊錄所遺辭義可采有所弘益者咸附入之遠覽馬史班書近觀王阮志錄挹其風流體制削其浮雜鄙俚離其

疏遠合其近密約文緒義凡五十五篇各列本條之下
以備經籍志雖未能研幾探賾窮極幽隱庶乎弘道設
教可以無遺闕焉夫仁義禮智所以治國也方技數術
所以治身也諸子為經籍之鼓吹文章乃政化之黼黻
皆為治之具也故列之於此志云

歸藏十三卷

晉太尉參軍薛貞注

周易二卷

魏文侯師卜子夏傳殘缺梁六卷

周

易十卷

漢魏郡太守京房章句

周易八卷

漢曲臺長孟喜章句殘缺梁十卷又有漢單父

長費直注周易四卷亡

周易九卷

後漢大司農鄭玄注梁又有漢南郡太守馬融注周易一卷亡

周易五卷

漢荊州牧劉表章句梁有漢荊州五業從事宋忠注周易十卷亡

周易十一

卷

漢司空荀爽注

周易十卷

魏衛將軍王肅注

周易十卷

魏尚書郎王弼注六十四

卦六卷韓康伯注繫辭以下三卷王弼又撰易畧例一卷梁有魏大司農卿董遇注周易十卷魏散騎常侍荀

輝注周易十卷亡

周易十卷

吳太常姚信注

周易四卷

晉儒林從事黃穎注梁有十卷

今殘

周易九卷

吳侍御史虞翻注

周易十五卷

吳鬱林太守陸績注

周易

十卷

晉散騎常侍干寶注

周易三卷

晉驃騎將軍王廙注殘缺梁有十卷

周易八卷

晉著作郎張璠注殘缺梁有十卷

周易馬鄭二王四家集解十卷○周

易荀爽九家注十卷○周易楊氏集二王注五卷

梁有集馬

鄭二王解 周易十卷 蜀才注 梁有齊安參軍費元珪注 周易九卷 謝氏注 周易八卷 尹濤

注周易 周易十卷 後魏司徒 崔浩注 周易十卷 梁處士何胤注 梁有臨海令伏

六卷 曼容注 周易八卷 侍中朱异集注 周易七卷 姚規注

易一百卷 又周易集注三十卷 易十三卷 崔覲注 周易十三卷 傅氏注 周易一帙十卷 盧氏注

周易繫辭二卷 晉桓 玄注 周易繫辭二卷 晉西中郎將 謝萬等注 周易

繫辭二卷 晉太常韓 康伯注 周易繫辭二卷 梁太中大夫宋 襄 注 又有宋東陽太

守卞伯玉注 周易繫辭二卷 荀柔 之注 周易集注繫辭二卷

梁有宋太中大夫徐 周易音一卷 東晉太子前 率徐邈撰 周易音

欽定四庫全書 隋書 十一

一卷

東晉尚書郎李軌弘範撰

周易音一卷

范氏撰

周易并注音七卷

祕書學士陸德明撰

周易盡神論一卷

魏司空鍾會撰梁有周易無互體論三卷鍾會撰亡

周易象論三卷

晉尚書郎欒肇撰

周易卦序論一卷

晉司徒右長史楊乂

撰

周易統略五卷

晉少府卿鄒湛撰

周易論二卷

晉馮翊太守阮渾撰

周

易論一卷

晉荊州刺史宋岱撰梁有擬周易說八卷范氏撰周易宗塗四卷干寶撰周易問難二卷

王氏撰周易問答一卷揚州從事徐伯珍撰周易難王輔嗣義一卷晉揚州刺史顧夷等撰周易雜論十四卷

七周易義一卷

宋陳令范歆撰

周易玄品二卷○周易論十卷

齊中書郎周顥撰

○周易論四卷

范氏撰

周易統例十卷

梁有三十卷亡

崔覲撰

周易爻義一卷

千寶撰

周易乾坤義一卷

齊步兵校尉劉瓛撰

梁又有齊臨沂令李王之梁釋法通等乾坤義各一卷亡

周易大義二十一卷

梁武帝撰

周易幾義一卷

梁南平王撰梁有周易疑通五卷宋中散大夫何誼之撰周易四德例一卷劉

獄撰

周易大義一卷

梁有周易錯八卷京房撰周易日月變例六卷虞翻陸績撰周易卦

象數旨六卷東晉樂安亭侯李顥撰周易爻一卷馬楷撰亡

周易大義二卷

陸德明撰

易釋序義三卷○周易開題義十卷

梁蕃撰

周易問二十

卷○周易義疏十九卷

宋明帝集羣臣講梁又有國子講易議六卷宋明帝集羣臣講

易義疏二十卷齊永明國學講周易講疏二十六卷又周易義三卷沈林撰亡

周易講疏三十

五卷

梁武帝撰

周易講疏十六卷

梁五經博士褚仲都撰

周易義疏十

四卷

梁都官尚書蕭子政撰

周易繫辭義疏三卷

蕭子政撰

周易講疏

三十卷

陳諮議參軍張機撰

周易文句義二十卷

梁有擬周易義疏十三卷

周

易義疏十六卷

陳尚書左僕射周弘正撰

周易私記二十卷○周易

講疏十三卷

國子祭酒何妥撰

周易繫辭義疏二卷

劉瓛撰

周易

繫辭義疏一卷

梁武帝撰

周易繫辭義疏二卷

蕭子政撰梁有周易乾坤

三象周易新圖各一卷又周易普玄圖八卷薛景和撰周易大演通統一卷顏氏撰

周易譜一卷

右六十九部五百五十一卷

通計亡書合九十四部八百二十九卷

昔宓義氏始畫八卦以通神明之德以類萬物之情蓋因而重之為六十四卦及乎三代實為三易夏曰連山殷曰歸藏周文王作卦辭謂之周易周公又作文辭孔子為彖象繫辭文言序卦說卦雜卦而子夏為之傳及秦焚書周易獨以下筮得存唯失說卦三篇後河內女子得之漢初傳易者有田何何授丁寬寬授田王孫王孫授沛人施讐東海孟喜琅邪梁丘賀由是有施孟梁丘之學又有東郡京房自云受易於梁國焦延壽別為

京氏學嘗立後罷後漢施孟梁丘京氏凡四家並立而傳者甚衆漢初又有東萊費直傳易其本皆古字號曰古文易以授琅邪王璜璜授沛人高相相以授子康及蘭陵毋將永故有費氏之學行於人間而未得立後漢陳元鄭衆皆傳費氏之學馬融又為其傳以授鄭玄玄作易注荀爽又作易傳魏代王肅王弼並為之注自是費氏大興高氏遂衰梁丘施氏高氏亡於西晉孟氏京氏有書無師梁陳鄭玄王弼二注列於國學齊代唯傳

鄭義至隋王注盛行鄭學浸微今殆絕矣歸藏漢初已
亡案晉中經有之唯載卜筮不似聖人之旨以本卦尚
存故取貫於周易之首以備殷易之缺

古文尚書十三卷

漢臨淮太守孔安國傳

今字尚書十四卷

孔安國傳

尚書十一卷

馬融注

尚書九卷

鄭玄注

尚書十一卷

王肅注

尚

書十五卷

晉祠部郎謝沈撰

集解尚書十一卷

李顯注

集釋尚書

十一卷

宋給事中姜道盛注

古文尚書舜典一卷

晉豫章太守范甯注梁有尚書

十卷范甯注亡

尚書亡篇序一卷

梁五經博士劉叔嗣注梁有尚書二十一卷劉叔嗣注又

有尚書新集

尚書逸篇二卷○古文尚書音一卷

徐邈撰

有尚書音五卷孔安國撰

今文尚書音一卷

秘書學士顧彪撰

尚

書大傳三卷

鄭玄注

大傳音二卷

顧彪撰

尚書洪範五行傳

論十一卷

漢光祿大夫劉向注

尚書駁議五卷

王肅撰梁有尚書義問三卷鄭玄王

肅及晉五經博士孔晁撰尚書釋問四卷魏侍中王粲撰尚書王氏傳問二卷尚書義二卷范順問吳大尉劉

毅荅

尚書新釋二卷

李顯撰

尚書百問一卷

齊太學博士顧歡撰

尚

書大義二十卷

梁武帝撰

尚書百釋三卷

梁國子助教巢猗撰

尚書義

三卷

巢猗撰

尚書義疏十卷

梁國子助教費彪撰梁有尚書義疏四卷晉樂安王友伊

說撰

尚書義疏三十卷

蕭答司徒
蔡大寶撰

尚書義注三卷

呂文
優撰

尚書義疏七卷○尚書述義二十卷

國子助教
劉炫撰

尚書疏

二十卷

顧彪
撰

尚書閏義一卷○尚書義三卷

劉先
生撰

尚書

釋問一卷

虞氏
撰

尚書文外義一卷

顧彪
撰

右三十二部二百四十七卷

通計亡書合四十一
部共二百九十六卷

書之所興蓋與文字俱起孔子觀書周室得虞夏商周

四代之典刪其善者上自虞下至周為百篇編而序之

遭秦滅學至漢唯濟南伏生口傳二十八篇又河內女

子得泰誓一篇獻之伏生作尚書傳四十一篇以授同郡張生張生授千乘歐陽生歐陽生授同郡兒寬寬授歐陽生之子世世傳之至曾孫歐陽高謂之尚書歐陽之學又有夏侯都尉受業於張生以授族子始昌始昌傳族子勝為大夏侯之學勝傳從子建別為小夏侯之學故有歐陽大小夏侯三家並立訖漢東京相傳不絕而歐陽最盛初漢武帝時魯恭王壞孔子舊宅得其未孫惠所藏之書字皆古文孔安國以今文校之得二十

五篇其泰誓與河內女子所獻不同又濟南伏生所誦有五篇相合安國並依古文開其篇第以隸古字寫之合成五十八篇其餘篇簡錯亂不可復讀並送之官府安國又為五十八篇作傳會巫蠱事起不得奏上私傳其業於都尉朝朝授膠東庸生謂之尚書古文之學而未得立後漢扶風杜林傳古文尚書同郡賈逵為之作訓馬融作傳鄭玄亦為之注然其所傳唯二十九篇又雜以今文非孔舊本自餘絕無師說晉世祕府所存有

古文尚書經文今無有傳者及永嘉之亂歐陽大小夏侯尚書並亡濟南伏生之傳唯劉向父子所著五行傳是其本法而又多乖戾至東晉豫章內史梅賾始得安國之傳奏之時又闕舜典一篇齊建武中吳姚興方於大桁市得其書奏上比馬鄭所注多二十八字於是始列國學梁陳所講有孔鄭二家齊代唯傳鄭義至隋孔鄭並行而鄭氏甚微自餘所存無復師說又有尚書逸篇出於齊梁之間考其篇目似孔壁中書之殘缺者故

附尚書之末

韓詩二十二卷

漢常山太傅韓嬰薛氏章句

韓詩翼要十卷

漢侯芭傳

韓

詩外傳十卷

梁有韓詩譜二卷詩神泉一卷漢有道徵士趙曄撰亡

毛詩二十卷

漢河間太守毛萇傳鄭氏箋

毛詩二十卷

王肅注梁有毛詩二十卷

鄭玄王肅合注毛詩二十卷謝沈注

集注毛詩二十四

卷

梁桂州刺史崔靈恩注梁有毛詩序一卷梁隱居先生陶弘景注亡

毛詩箋音證十卷

後魏太常卿劉芳撰梁有毛詩音十六卷徐邈等撰毛詩音二卷徐邈撰毛詩音隱一卷于氏撰亡

毛詩

并注音八卷

祕書學士魯世達撰

毛詩譜三卷

吳太常卿徐整撰

毛詩譜

二卷

太叔求及劉炫注

謝氏毛詩譜鈔一卷

梁有毛詩雜議難十卷漢侍中賈逵

撰七毛詩義問十卷

魏太子文學劉楨撰

毛詩義駁八卷

王肅撰毛詩

奏事一卷

王肅撰有毛詩問難二卷王肅撰七

毛詩駁一卷

魏司空王基撰殘缺梁五

卷又有毛詩答問駁譜合八卷又毛詩釋義十卷謝沈撰毛詩義四卷毛詩箋傳是非二卷並魏祕書郎劉璠

侍中朱育等撰毛詩義注四卷七毛詩異同評十卷

晉長

沙太守孫毓撰難孫氏毛詩評四卷

晉徐州從事陳統撰梁有毛詩表隱二卷陳統撰七

毛詩拾遺一卷

郭璞撰梁又有

毛詩辯異三卷

晉給事郎楊乂

撰梁有毛詩背隱義二卷宋中散大夫徐廣撰毛詩引辨一卷宋奉朝請孫暢之撰毛詩釋一卷宋金紫光祿

大夫何偃撰毛詩檢漏義二卷梁給事郎謝曇濟撰
毛詩總集六卷毛詩隱義十卷並梁處士何胤撰亡

詩異義二卷

楊又撰梁有毛詩雜義五卷楊又撰毛詩
義疏十卷謝沉撰毛詩雜義四卷晉江州

刺史殷仲堪撰毛詩
義疏五卷張氏撰亡

毛詩集解叙義一卷

顧歡等撰

毛詩序

義二卷

宋通直郎雷次宗撰梁有毛詩義一卷雷次宗
撰毛詩序注一卷宋交州刺史阮珍之撰毛詩

序義七卷孫
暢之撰亡

毛詩集小序一卷

劉炫注

毛詩序義疏一卷

劉瓛等撰殘缺梁三卷梁有毛詩篇次
義一卷劉瓛撰毛詩雜義注三卷亡

毛詩發題序義

一卷

梁武帝撰

毛詩大義十一卷

梁武帝撰梁有毛詩十五
國風義二十卷梁簡文撰

毛詩大義十三卷○毛詩草木蟲魚疏二卷

鳥程令吳
郡陸璣撰

毛詩義疏二十卷

舒拔撰

毛詩詠府三卷

後魏安豐王元延明撰

毛

詩義疏二十八卷

蕭歸散騎常侍沈重撰

毛詩義疏二十卷○毛

詩義疏二十九卷○毛詩義疏十卷○毛詩義疏十一

卷○毛詩義疏二十八卷○毛詩述義四十卷

國子助教劉炫

撰

毛詩章句義疏四十卷

魯世達撰

毛詩釋疑一卷

梁有毛詩圖三

卷毛詩孔子經圖十二卷
毛詩古聖賢圖二卷七

業詩二十卷

宋奉朝請業遵注

右三十九部四百四十二卷

通計七書合七十六部六百八十三卷

詩者所以道達心靈歌詠情志者也故曰在心為志發

言為詩上古人淳俗樸情志未惑其後君尊於上臣卑
於下面稱為諂目諫為謗故誦美譏惡以諷刺之初但
歌詠而已後之君子因被管絃以存勸戒夏殷已上詩
多不存周氏始自后稷而公劉克篤前烈太王肇基王
迹文王光昭前緒武王克平殷亂成王周公化至太平
誦美盛德踵武相繼幽厲板蕩怨刺並興其後王澤竭
而詩亡魯太師摯次而錄之孔子刪詩上采商下取魯
凡三百篇至秦獨以為諷誦不滅漢初有魯人申公受

詩於浮丘伯作詁訓是為魯詩齊人轅固生亦傳詩是為齊詩燕人韓嬰亦傳詩是為韓詩終於後漢三家並立漢初又有趙人毛萇善詩自云子夏所傳作詁訓傳是為毛詩古學而未得立後漢有九江謝曼卿善毛詩又為之訓東海衛敬仲受學於曼卿先儒相承謂之毛詩序子夏所創毛公及敬仲又加潤益鄭眾賈逵馬融並作毛詩傳鄭玄作毛詩箋齊詩魏代已亡魯詩亡於西晉韓詩雖存無傳之者唯毛詩鄭箋至今獨立又有

業詩奉朝請業遵所注立義多異世所不行

周官禮十二卷

馬融注

周官禮十二卷

鄭玄注

周官禮十二

卷

王肅注

周官禮十二卷

伊說注

周官禮十二卷

干寶注梁人有周官

寧朔新書八卷晉燕

王師王懋約撰亡

集注周官禮二十卷

崔靈恩注

禮音三

卷

劉昌宗撰

周官禮異同評十二卷

晉司空長史陳劭撰

周官禮駁難

四卷

孫略撰梁有周官駁難三卷孫琦問干寶駁晉散騎常侍虞喜撰

周官禮義疏四

十卷

沈重撰

周官禮義疏十九卷。周官禮義疏十卷。

周官禮義疏九卷周官分職四卷。周官禮圖十四卷

梁有郊祀儀禮十七卷鄭玄注儀禮十七卷王肅注梁有圖二卷亡儀禮義疏見二卷鄭玄注儀禮義疏六卷李軌劉昌宗注

音各一卷鄭玄音二卷亡儀禮義疏見二卷鄭玄注儀禮義疏六卷鄭玄注喪

服經傳一卷馬融注喪服經傳一卷鄭玄注喪服經傳一卷

王肅注喪服經傳一卷晉給事中袁準注集注喪服經傳一卷晉盧

陵太守孔倫撰喪服經傳一卷陳銓注集注喪服經傳一卷宋太

夫裴松之撰略注喪服經傳一卷雷次宗注集注喪服經傳二卷

宋丞相諮議參軍蔡超宗注梁又有喪服經傳一卷宋徵士劉道拔注亡集解喪服經傳二

卷齊東平太守田僧紹解喪服義疏二卷梁步兵校尉五經博士賀瑒撰梁又有喪服經

傳義疏五卷齊散騎郎司馬璪撰喪服經傳義疏二卷齊給事中樓幼瑜撰喪服經傳義疏一卷劉瓛撰喪服

經傳義疏一卷齊徵士沈麟士撰亡喪服經傳義疏一卷梁尚書左丞何佟之撰亡喪

服傳一卷梁通直郎裴子野撰喪服文句義疏十卷陳國子助教皇侃撰喪

服義十卷陳國子祭酒謝嶠撰喪服義鈔三卷梁有喪服經傳喪

服要記一卷王肅注喪服要記一卷蜀丞相蔣琬撰梁有喪服變除圖五卷吳

齊王傅射慈撰亡喪服要集二卷晉征南將軍杜預撰又有喪服要記二卷晉侍中劉逵撰

七喪服儀一卷晉太保衛瓘撰梁有喪服要記六卷晉司空賀循撰喪服要問六卷劉德明撰喪

服三十一卷宋員外郎散騎庾蔚之撰喪服要問二卷張耀撰喪服難問六卷崔凱撰喪服雜記二十卷伊氏

撰喪服釋疑二卷。孔智撰。亡。漢荊州刺史劉表新定禮一卷。○喪服

要略一卷。

晉太學博士環濟撰。

喪服要略二卷。○喪服制要一卷。

徐氏撰。

喪服譜一卷。

鄭玄注。

喪服譜一卷。

晉開府儀同三司蔡謨撰。

喪服

譜一卷。

賀循撰。

喪服變除一卷。

晉散騎常侍葛洪撰。

凶禮一卷。

晉廣陵相

孔衍撰。

喪服要記十卷。

賀循撰。梁有喪服要記。宋員外常侍庾蔚之注。又喪服世要一卷。庾

蔚之撰。喪服集議十卷。宋撫軍司馬費沈撰。

喪服古今集記三卷。

齊太尉王儉撰。

喪

服世行要記十卷。

齊光祿大夫王逸撰。

喪服答要難一卷。

袁祈撰。

喪

服記十卷。

王氏撰。

喪服五要一卷。

嚴氏撰。

駁喪服經傳一卷。

卜氏傳 喪服疑問一卷 樊氏撰 喪服圖一卷 王儉撰 喪服圖一

卷賀遊 喪服圖一卷 崔逸撰 梁有喪服祥禫雜議二十一卷 又

戴氏喪服五家要記圖譜五卷 喪服君臣圖儀一卷 亡 五服圖一卷 ○ 五服圖儀

一卷 ○ 喪服禮圖一卷 ○ 五服略例一卷 ○ 喪服要問

一卷 ○ 喪服問答目十三卷 皇侃撰 喪服假寧制三卷 ○

喪禮五服七卷 大將軍袁憲撰 論喪服決一卷 ○ 喪禮鈔三卷

王隆伯撰 大戴禮記十三卷 漢信都王大傅戴德撰 梁有諡法三卷 後漢安南太守劉熙注

亡 夏小正一卷 戴德撰 禮記十卷 漢北中郎將盧植注 禮記二十卷

漢九江太守戴禮記三十卷王肅注梁有禮記十二卷業遵注亡禮記寧

朔新書八卷王懋約注梁有二十卷月令章句十二卷漢左中郎將蔡邕撰

禮記音義隱一卷謝氏撰禮記音二卷宋中散大夫徐爰撰梁有鄭玄王肅

射慈射貞孫毓繆炳音各一卷蔡謨東晉安北諮議參軍曹耽國子助教尹毅李軌員外郎范宣音各二卷徐

邈音三卷劉昌禮記音義隱七卷○禮記三十卷魏祕書監

孫炎禮略二卷○禮記要鈔十卷緋氏撰梁有禮義四卷魏侍中鄭小同撰

據遺別記一卷禮記新義疏二十卷賀瑒撰梁有義疏三卷宋豫章郡丞

雷肅之禮記義疏九十九卷皇侃撰禮記講疏四十八卷

撰亡

皇侃

撰 禮記義疏四十卷

沈重撰

禮記義十卷

何氏撰

禮記義

疏三十八卷。禮記疏十一卷。禮記大義十卷。

梁武帝撰

禮記文外大義二卷

祕書學士褚暉撰

禮大義十卷。禮記義

證十卷

劉芳撰

禮大義章七卷。喪禮雜義三卷。禮記

中庸傳二卷

宋散騎常侍戴顓撰

中庸講疏一卷

梁武帝撰

私記制旨

中庸義五卷。禮記略解十卷

庾氏撰

禮記評十一卷

劉雋撰

石渠禮論四卷

戴聖撰梁有羣儒疑義十二卷戴聖撰

禮論三百卷

宋御撰

史中丞何承天撰

禮論條牒十卷

宋太尉參軍任預撰

禮論帖三卷

任預撰梁

四禮論鈔二十卷

庾蔚之撰

禮論要鈔十卷

王儉撰

禮論要

鈔一百卷

賀瑒撰

禮論鈔六十九卷。禮論要鈔十卷

梁有

齊御史中丞荀萬秋鈔略二卷尚書儀曹郎丘季彬論五十八卷議一百三十卷統六卷七

禮論答

問八卷

宋中散大夫徐廣撰

禮論答問十三卷

徐廣撰

禮答問二卷

徐廣撰殘缺

禮答問六卷

庾蔚之撰

禮答問三卷

王儉撰梁有晉並壽

令吳商禮難十二卷雜義十二卷又禮議雜記故事十三卷喪雜事二十卷宋光祿大夫傅隆議二卷祭法五

禮答問十二卷。禮雜問十卷

范甯撰

禮答問十卷

何

之撰梁

禮雜問十卷。禮雜答問八卷。禮雜答問六

卷○禮雜問答鈔一卷

何佟之撰

問禮俗十卷

董勛撰

問禮俗

九卷

董子弘撰

答問雜儀二卷

任預撰

禮義答問八卷

王儉撰

禮

疑義五十二卷

梁護軍周捨撰

制旨革牲大義三卷

梁武帝撰

禮樂

義十卷○禮祕義三卷○三禮目錄一卷

鄭玄撰梁有陶弘景注一

卷

三禮義宗三十卷

崔靈思撰

三禮宗略二十卷

元延明撰

三禮

大義十三卷○三禮大義四卷○三禮雜大義三卷

梁有

司馬法三卷李氏訓記三卷又郊丘議三卷魏太尉蔣

濟撰祭法五卷又明堂議三卷王肅撰雜祭法六卷晉

司空中郎盧謏撰祭典三卷晋安北將軍范汪撰七廟

議一卷又後養議五卷干寶撰雜鄉射等議三卷晋太

尉庚亮撰逆降義三卷宋特進顏延之撰逆降義一卷
田僧紹撰分明士制三卷何承天撰釋疑二卷郭鴻撰
荅問四卷徐廣撰荅問五卷
卷何胤撰又荅問十卷亡

三禮圖九卷

鄭玄及後漢
侍中阮諶等

撰周室王城明堂宗廟圖一卷

祁諶撰梁又有冠服圖
一卷五宗圖一卷月令

圖一卷
卷七

右一百三十六部一千六百二十二卷

通計七書
合二百一

十一部二千一
百八十六卷

自大道既隱天下為家先王制其夫婦父子君臣上下

親踈之節至于三代損益不同周衰諸侯僭忒惡其害

已多被焚削自孔子時已不能具至秦而頓滅漢初有高堂生傳十七篇又有古經出於淹中而河間獻王好古愛學收集餘燼得而獻之合五十六篇並威儀之事而又得司馬穰苴兵法一百五十五篇及明堂陰陽之記並無敢傳之者唯古經十七篇與高堂生所傳不殊而字多異自高堂生至宣帝時后蒼最明其業乃為曲臺記蒼授梁人戴德及德從兄子聖沛人慶普於是有大戴小戴慶氏三家並立後漢唯曹元傳慶氏以授其

子褒然三家雖存並微相傳不絕漢末鄭玄傳小戴之學後以古經校之取其於義長者作注為鄭氏學其喪服一篇子夏先傳之諸儒多為注解今又別行而漢時有李氏得周官周官蓋周公所制官政之法上於河間獻王獨闕冬官一篇獻王購以千金不得遂取考工記以補其處合成六篇奏之至王莽時劉歆始置博士以行於世河南緄氏及杜子春受業於歆因以教授是後馬融作周官傳以授鄭玄玄作周官注漢初河間獻王

又得仲尼弟子及後學者所記一百三十一篇獻之時亦無傳之者至劉向考校經籍檢得一百三十篇向因第而叙之而又得明堂陰陽記三十三篇孔子三朝記七篇王氏史氏記二十一篇樂記二十三篇凡五種合二百十四篇戴德刪其煩重合而記之為八十五篇謂之大戴記而戴聖又刪大戴之書為四十六篇謂之小戴記漢末馬融遂傳小戴之學融又足月令一篇明堂位一篇樂記一篇合四十九篇而鄭玄受業於融又為

之注今周官六篇古經十七篇小戴記四十九篇凡三種唯鄭注立於國學其餘並多散亡又無師說

樂社大義十卷

梁武帝撰

樂論三卷

梁武帝撰梁有樂義十二卷武帝集朝臣撰亡

樂論一卷

衛尉少卿蕭吉撰

古今樂錄十二卷

陳沙門智匠撰

樂書七

卷

後魏丞相士曹行參軍信都芳撰

樂雜書三卷○樂元一卷

魏僧撰管

絃記十卷

凌秀撰

樂要一卷

何妥撰

樂部一卷○春官樂部

五卷

梁有宋元嘉正聲伎錄一卷張解撰亡

樂府聲調六卷

岐州刺史沛國公鄭譯撰

樂府聲調三卷

鄭譯撰

樂經四卷○琴操三卷

晉廣陵相孔衍撰

琴操鈔二卷。琴操鈔一卷。琴譜四卷。戴氏撰琴經一

卷。琴說一卷。琴歷頭簿一卷。新雜漆調絃譜一

卷。樂譜四卷。樂譜集二十卷。蕭吉撰樂略四卷。樂

律義四卷。沈重撰鍾律義一卷。樂簿十卷。齊朝曲簿

一卷。大隋總曲簿一卷。推七音二卷。并尺法樂論事

一卷。樂事一卷。正聲伎雜等曲簿一卷。太常寺

曲名一卷。太常寺曲簿十一卷。歌曲名五卷。歷

代樂名一卷。鐘磬志二卷。公孫崇撰樂懸一卷。何晏等撰樂

懸圖一卷。鍾律緯辯宗見一卷。當管七聲二卷。

魏僧

撰

黃鍾律一卷

梁有鍾律緯六卷梁武帝撰七

右四十二部一百四十二卷

通計亡書合四十六部二百六十三卷

樂者先王所以致神祇和邦國諧百姓安賓客悅遠人所從來久矣周人存六代之樂曰雲門咸池大韶大夏大濩大武其後衰微崩壞及秦而頓滅漢初制氏雖紀其鏗鏘鼓舞而不能通其義其後竇公河間獻王常山王張禹咸獻樂書魏晉已後雖加損益去正轉遠事在

聲樂志今錄其見書以補樂章之闕

春秋經十三卷

吳衛將軍士燮注

春秋左氏長經二十卷

漢侍中賈

逵章句春秋左氏解詁三十卷

賈逵撰

春秋左氏傳解詁三

十一卷

漢九江太守服虔注

春秋左氏傳三十卷

王肅注

春秋左氏

傳三十卷

董遇章句

春秋左氏傳義注十八卷

孫毓注

春秋左

氏傳十二卷

魏司徒王朗撰

春秋左氏經傳集解三十卷

杜預撰

春秋杜氏服氏注春秋左傳十卷

殘缺

春秋左氏傳音三

卷

魏中散大夫嵇康撰梁有服虔杜預音三卷魏高貴鄉公春秋左氏傳音三卷曹耽音尚書左人郎荀訥

等音四 卷亡 春秋左氏傳音三卷 李軌撰 春秋左氏傳音三卷

徐邈撰 春秋釋訓一卷 賈逵撰 春秋左氏經傳朱墨列一卷

賈逵撰 春秋釋例十卷 漢公車徵士穎容撰梁有春秋左氏傳條例九卷漢大司農鄭眾撰

春秋左氏膏肓釋痾十卷 服虔撰梁有春秋漢議駁二卷服虔撰亡 駁何氏

漢議二卷 鄭玄撰 春秋成長說九卷 服虔撰梁有春秋左氏達義一卷漢司徒

椽王玠撰 春秋塞難三卷 服虔撰梁有春秋雜議難五卷漢少府孔融撰春秋左氏釋駁

一卷王朗撰 春秋說要十卷 魏樂平太守糜信撰 春秋釋例十五卷 杜預撰

撰梁有春秋釋例引序一卷 齊正員郎杜乾光撰亡 春秋左氏傳評二卷 杜預撰 春

秋條例十一卷

晉太尉劉寶撰梁有春秋公羊達義三卷劉寶撰亡

春秋經例十

二卷

晉方範撰梁有春秋釋滯十卷晉尚書左丞殷興撰春秋釋難三卷晉護軍范堅撰亡

春秋

左氏傳條例二十五卷○春秋義例十卷○春秋左傳

例苑十九卷

梁有春秋經傳說例疑隱一卷吳略撰春秋左氏分野一卷春秋十二公名一卷鄭

玄撰

春秋左氏經傳通解四卷

王述之撰

春秋左氏傳賈服

異同略五卷

孫毓撰

春秋左氏函傳義十五卷

干寶撰

春秋

左氏區別三十卷

宋尚書功論郎何賀真撰

春秋文苑六卷○春秋

叢林十二卷○春秋義林一卷○春秋大夫辭三卷○

春秋嘉語六卷○春秋左氏諸大夫世譜十三卷○春

秋五辯二卷

梁五經博士沈宏撰

春秋辯證六卷○春秋旨通十

卷王述之撰

春秋經傳解六卷

崔靈思撰

春秋申先儒傳論十卷

崔靈思撰

春秋左氏傳立義十卷

崔靈思撰

劉實等集解春秋序

一卷○春秋序論二卷

干寶撰

春秋序一卷

賀道養注

春秋序

一卷

崔靈思撰

春秋序一卷

田元休注

春秋左傳杜預序集解一

卷

劉炫注

○春秋左氏經傳義略二十五卷

陳國子博士沈文阿撰

王元規續沈文阿春秋左氏傳義略十卷○春秋義略

三十卷

陳右軍將軍張沖撰

春秋左氏義略八卷○春秋五十凡

義疏二卷○春秋左氏傳述義四十卷

東京太學博士劉炫撰

春

秋序義疏一卷

梁有春秋發題一卷梁簡文帝撰春秋左氏圖十卷漢太子太傅嚴彭祖撰古

今春秋盟會地圖一卷亡

春秋公羊傳十二卷

嚴彭祖撰

春秋公羊解詁

十一卷

漢諫議大夫何休注

春秋公羊經傳十三卷

晉散騎常侍王愨期注梁

有春秋公羊傳十二卷晉河南太守高龍注春秋公羊傳十四卷孔衍集解春秋公羊音李軌晉徵士汪淳撰

各一卷春秋繁露十七卷

漢膠西相董仲舒撰

春秋決事十卷

董仲舒撰

春秋決疑論一卷○春秋左氏膏肓十卷

何休撰

春秋穀

梁廢疾三卷

何休撰

春秋漢議十三卷

何休撰

駁何氏漢議

二卷

鄭玄撰梁有漢議駁二卷服虔撰亡

駁何氏漢議序一卷○春秋公

羊墨守十四卷

何休撰

春秋公羊例序五卷

刁氏撰

春秋公

羊諡例一卷

何休撰梁有春秋公羊傳條例一卷何休撰春秋公羊傳問答五卷荀爽問魏安平

太守徐欽荅春秋公羊論二卷晉車騎將軍庾翼問王愆期荅亡

春秋公羊解序一卷

鮮于公撰春秋公羊疏十二卷○春秋穀梁傳十三卷

吳僕射唐

固注梁有春秋穀梁傳十五卷漢諫議大夫尹更始撰亡

春秋穀梁傳十二卷

魏平樂太

守廩穀梁傳十卷

晉堂邑太守張靖注梁有春秋穀梁傳十三卷晉給事郎徐乾注春秋穀

梁傳十卷胡訥集解亡

春秋穀梁傳十六卷

程闡撰

春秋穀梁傳十

四卷

孔衍撰

春秋穀梁傳十二卷

徐邈撰

春秋穀梁傳十四

卷

段肅注疑漢人

春秋穀梁傳五卷

孔君指訓殘缺梁十四卷

春秋穀梁傳

十二卷

范甯集解梁有穀梁音一卷亡

春秋穀梁傳四卷

殘缺張程孫劉四家集解

糜信理何氏漢議二卷

魏人撰

春秋穀梁傳義十卷

徐邈撰

春秋議十卷

何休撰

徐邈答春秋穀梁義三卷。薄叔玄

問穀梁義二卷

梁四卷

春秋穀梁傳例一卷

范甯撰

春秋公

羊穀梁傳十二卷

晉博士劉兆撰

春秋穀梁廢疾三卷

何休撰鄭玄釋

張靖
箋

春秋公羊穀梁二傳評三卷。春秋三家經本訓

詁十二卷

賈逵撰宋有三家經二卷亡

春秋三傳論十卷

魏大長秋韓益撰

春秋經合三傳十卷

潘叔度撰

春秋成奪十卷

潘叔度撰

春秋三

傳評十卷

胡訥撰梁有春秋集三師難三卷春秋集三傳經解十卷胡訥撰今亡

春秋土

地名三卷

晉裴秀客京相璠等撰

春秋外傳國語二十卷

賈逵注

春

秋外傳國語二十一卷

虞翻注

春秋外傳章句一卷

王肅撰梁

二十卷
春秋外傳國語二十二卷

韋昭注

春秋外傳國語二

十卷

晉五經博士孔晁注

春秋外傳國語二十一卷

唐固注梁有春秋古今盟

會地圖
一卷七

右一百四部九百八十三卷

通計亡書合一百三十部一千一百九十

卷

春秋者魯史策書之名昔成周微弱典章淪廢魯以周公之故遺制尚存仲尼因其舊史裁而正之或婉而成章以存大順或直書其事以示首惡故有求名而亡欲蓋而彰亂臣賊子於是大懼其所褒貶不可具書皆口授弟子弟子退而異說左丘明恐失其真乃為之傳遭

秦滅學口說尚存漢初有公羊穀梁鄒氏夾氏四家並
行王莽之亂鄒氏無師夾氏亡初齊人胡母子都傳公
羊春秋授東海嬴公嬴公授東海孟卿孟卿授魯人眭
孟眭孟授東海嚴彭祖魯人顏安樂故後漢公羊有嚴
氏顏氏之學與穀梁三家並立漢末何休又作公羊解
說而左氏漢初出於張蒼之家本無傳者至文帝時梁
太傅賈誼為訓詁授趙人貫公其後劉歆典校經籍考
而正之欲立於學諸儒莫應至建武中尚書令韓歆請

立而未行時陳元最明左傳又上書訟之於是乃以魏郡李封為左氏博士後羣儒蔽固者數廷爭之及封卒遂罷然諸儒傳左氏者甚衆永平中能為左氏者擢高第為講郎其後賈逵服虔並為訓解至魏遂行於世晉時杜預又為經傳集解穀梁范甯注公羊何休注左氏服虔杜預注俱立國學然公羊穀梁但試讀文而不能通其義後學三傳通講而左氏唯傳服義至隋杜氏盛行服義及公羊穀梁浸微今殆無師說

古文孝經一卷

孔安國傳梁末亡逸今疑非古本

孝經一卷

鄭氏注梁有馬融鄭

衆注孝經二卷亡

孝經一卷

王肅解梁有魏散騎常侍蘇林吏部尚書何晏光祿大夫劉邵孫氏

等注孝經各一卷亡

孝經解讚一卷

章昭解

孝經嘿注一卷

徐整集注

解孝經一卷

謝萬集

集議孝經一卷

晉中書郎荀勗撰亡

集議孝經

一卷

晉東陽太守袁敬仲集梁有孝經皇義一卷宋均撰又有晉給事中楊泓處士虞槃佐孫氏東陽太

守殷仲文晉陵太守殷叔道丹陽尹車胤孔光各注孝

經一卷荀勗注孝經二卷宋何承天費沈齊光祿大夫

王玄載國子博士明僧紹梁五經博士嚴植之尚書功

論郎曹思文羽林監江係之江遜等注孝經各一卷釋

慧始注孝經一卷陶弘景集注孝

孝經一卷

釋慧琳注梁有晉穆

經一卷諸葛循孝經序一卷亡

帝時晉孝經一卷武帝時送總明館孝經講議各一卷
宋大明中東宮講齋永明三年東宮講齋永明中諸王
講及賀瑒講議孝經義疏各一卷齊臨沂
令李王之為始興王講孝經義疏二卷亡
孝經義疏十

八卷

梁武帝撰梁有皇太子講孝經義三卷天監八年
皇太子講孝經義一卷梁簡文孝經義疏五卷蕭

子顯孝經義
疏一卷亡

孝經敬愛義一卷

梁吏部尚書
蕭子顯撰

孝經私記

四卷

無名先
生撰

孝經義一卷○孝經義疏一卷

趙景
韶撰

孝經

義疏三卷

皇侃
撰

孝經私記二卷

周弘
正撰

千文孝經述義五

卷

劉炫
撰

孝經講疏六卷

徐孝
克撰

孝經義一卷

梁揚州文學
從事太史叔

明撰梁有孝經玄孝經圖各
一卷孝經孔子圖二卷亡

國語孝經一卷

右二十部合六十三卷

通計亡書合五十九部一百一十四卷

夫孝者天之經地之義人之行自天子達於庶人雖尊卑有差及乎行孝其義一也先王因之以治國家化天下故能不嚴而順不肅而成斯實生靈之至德王者之要道孔子既叙六經題目不同指意差別恐斯道離散故作孝經以總會之明其枝流雖分本萌於孝者也遭秦焚書為河間人顏芝所藏漢初芝子貞出之凡十八章而長孫氏博士江翁少府后蒼諫議大夫翼奉安昌

侯張禹皆名其學又有古文孝經與古文尚書同出而
長孫有閨門一章其餘經文大較相似篇簡缺解又有
衍出三章并前合為二十二章孔安國為之傳至劉向
典校經籍以顏本比古文除其繁惑以十八章為定鄭
衆馬融並為之注又有鄭氏注相傳或云鄭玄其立義
與玄所注餘書不同故疑之梁代安國及鄭氏二家並
立國學而安國之本亡於梁亂陳及周齊唯傳鄭氏至
隋祕書監王劭於京師訪得孔傳送至河間劉炫炫因

序其得喪述其議疏講於人間漸聞朝廷後遂著令與
鄭氏並立儒者誼誼皆云炫自作之非孔舊本而祕府
又先無其書又云魏氏遷洛未達華語孝文帝命侯伏
侯可悉陵以夷言譯孝經之旨教于國人謂之國語孝
經今取以附此篇之末

論語十卷

鄭玄注梁有古文論語十卷鄭玄注又

王肅虞翻譙周等注論語各十卷亡 論語

九卷

鄭玄注晉散騎常侍虞喜讚

集解論語十卷

何晏集

集注論語六

卷

晉八卷晉太保衛瓘注梁有論語補闕二卷宋明帝補衛瓘闕七

論語集義八卷

尚晉

書左中兵郎崔豹集梁十卷
論語十卷晋著作郎李充注
集解論語十卷晋廷

尉孫綽解梁有盈氏及孟釐注論語各十卷亡
集解論語十卷晋兖州別駕江熙解
論語

七卷盧氏注梁有晋國子博士梁覲益州刺史袁喬尹毅司徒左長史張馮及楊惠明宋新安太守孔澄

之齊員外郎虞遐及許容曹思文注釋僧智略解梁太史叔明集解陶弘景集注論語各十卷又論語音二卷

徐邈等撰亡
論語難鄭一卷梁有古論語義注譜一卷徐氏撰論語隱義注三卷論語義注

三卷
論語難鄭一卷
論語標指一卷司馬氏撰
論語雜問

一卷
論語孔子弟子目錄一卷鄭玄撰
論語體略二卷

晋太傅主簿郭象撰
論語旨序三卷晋衛尉繆播撰
論語釋疑三卷王弼撰

論語釋一卷

張憑撰

論語釋疑十卷

晉尚書郎樂肇撰梁有論語釋駁三卷王

肅撰論語駁序二卷樂肇撰論語隱一卷郭象撰論語藏集解一卷應琛撰論語釋一卷曹毗撰論語君子無

所爭一卷庾亮撰論語釋一卷李充撰論語釋一卷庾翼撰論語義一卷王濛撰又蔡系論語釋一卷張隱論

語釋一卷却原通鄭一卷王氏修鄭錯一卷姜處道論釋一卷亡

論語別義十卷

范廩撰梁

有論語疏八卷宋司空法曹張略

等撰新書對張論十卷虞喜撰

論語義疏十卷

褚仲都撰

論語義疏十卷

皇侃撰

論語述義十卷

劉炫撰

論語義疏八

卷○論語講疏文句義五卷

徐孝克撰殘缺

論語義疏二卷

張沖

撰梁有論語義

注圖十二卷亡

孔叢七卷

陳勝博士孔鮒撰梁有孔志十卷梁太尉參軍劉被撰亡

孔子家語二十一卷

王肅解梁有當家語二卷魏博士張融撰亡

孔子正言

二十卷

梁武帝撰

爾雅三卷

漢中散大夫樊光注梁有漢劉歆捷為文學中黃門李巡爾雅

各三卷亡

爾雅七卷

孫炎注

爾雅五卷

郭璞注

集注爾雅十卷

梁黃

門郎沈璇注

爾雅音八卷

秘書學士江灌撰梁有爾雅音二卷孫炎郭璞撰

爾雅圖

十卷

郭璞撰梁有爾雅圖讚二卷郭璞撰亡

廣雅三卷

魏博士張揖撰梁有四卷

廣雅

音四卷

秘書學士曹憲撰

小爾雅一卷

李軌略解

方言十三卷

漢揚雄撰

郭璞注

釋名八卷

劉熙撰

辨釋名一卷

韋昭撰

五經音十卷

徐邈

撰五經正名十二卷

劉炫撰

白虎通六卷○五經異義十

卷後漢太尉祭
酒許慎撰

五經然否論五卷

晉散騎常侍譙周撰

五經拘沈

十卷

晉高涼太守揚方撰

五經大義三卷

戴逵撰梁有通五經五卷王氏撰五經洛疑八

卷周揚撰五經異同評一卷
賀瑒撰五經祕表要三卷亡

五經大義十卷

後周縣伯中大夫樊

文深撰

經典大義十二卷

沈文阿撰

五經大義五卷

何妥撰

通義八卷

梁九卷

五經義六卷

梁七卷梁又有五經義略一卷亡

五經要

義五卷

梁十七卷雷氏撰

五經析疑二十八卷

邯鄲綽撰

五經宗略

二十三卷

元延明撰

五經雜義六卷

孫暢撰

長春義記一百卷

梁簡文帝撰

大義九卷○遊玄桂林九卷

張機撰

六經通數十

卷

梁舍人鮑泉撰

七經義綱二十九卷

樊文深撰

七經論三卷

樊文深撰

質疑五卷

樊文深撰

經典玄儒大義序錄二卷

沈文阿撰

玄義問

荅二卷○六藝論一卷

鄭玄撰

聖證論十二卷

王肅撰

鄭志

十一卷

魏侍中鄭小同撰

鄭記六卷

鄭玄弟子撰

論法三卷

劉熙撰

論

法十卷

特進中軍將軍沈約撰

論法五卷

梁太府賀瑒撰

江都集禮一百

二十六卷

右七十三部七百八十一卷

通計亡書合一百一十六部一千二十七

卷

論語者孔子弟子所錄孔子既叙六經講於洙泗之上

門徒三千達者七十其與夫子應答及私相講肄言合

於道或書之於紳或事之無厭仲尼既沒遂緝而論之

謂之論語漢初有齊魯之說其齊人傳者二十二篇魯

人傳者二十篇齊則昌邑中尉王吉少府宗畸御史大

夫貢禹尚書令五鹿充宗膠東庸生魯則常山都尉龔

奮長信少府夏侯勝韋丞相節侯父子魯扶卿前將軍

蕭望之安昌侯張禹並名其學張禹本授魯論晚講齊

論後遂合而考之刪其煩惑除去齊論問王知道二篇
從魯論二十篇為定號張侯論當世重之周氏包氏為
之章句馬融又為之訓又有古論語與古文尚書同出
章句煩省與魯論不異唯分子張為二篇故有二十一
篇孔安國為之傳漢末鄭玄以張侯論為本參考齊論
古論而為之注魏司空陳羣太常王肅博士周生烈皆
為義說吏部尚書何晏又為集解是後諸儒多為之注
齊論遂亡古論先無師說梁陳之時唯鄭玄何晏立於

國學而鄭氏甚微周齊鄭學獨立至隋何鄭並行鄭氏
盛於人間其孔叢家語並孔氏所傳仲尼之旨爾雅諸
書解古今之意并五經總義附于此篇

河圖二十卷

梁河圖洛書二十四卷目錄一卷亡

河圖龍文一卷○易緯

八卷

鄭玄注梁有九卷

尚書緯三卷

鄭玄注梁六卷

尚書中候五卷

鄭玄

注梁有八卷今殘缺

詩緯十八卷

魏博士宋均注梁十卷

禮緯三卷

鄭玄注禮

記默房二卷

宋均注梁有三卷鄭玄注亡

樂緯三卷

宋均注梁有樂五鳥圖一卷亡

春秋災異十五卷

郝萌撰梁有春秋緯三十卷宋均注春秋內事四卷春秋包命二卷春秋

祕事十一卷書易詩孝經春秋河洛
緯祕要一卷五帝鈞命決圖一卷七
孝經勾命決六卷

宋均注 孝經援神契七卷 宋均注 孝經內事一卷 梁有孝經
雜緯十卷

宋均注 孝經元命包一卷 孝經古祕援神二卷 孝經古

祕圖一卷 孝經左右握二卷 孝經左右契圖一卷 孝經

雌雄圖三卷 孝經異本雌雄圖二卷 孝經分野圖一卷

孝經內事圖二卷 孝經內事星宿講堂七十二弟子圖

一卷 又口授圖一卷 又論語識八卷 宋均注孔老識十

二卷 老子河洛識一卷 尹公識四卷 劉向識二卷 雜識

書二十九卷 堯戒舜禹一卷 孔子王明鏡一卷 郭文

金雄記一卷 王子年歌一卷 嵩高道士歌一卷 七

右十三部合九十二卷

通計七書合三十二部共一百三十二卷

易曰河出圖洛出書然則聖人之受命也必因積德累

業豐功厚利誠著天地澤被生人萬物之所歸往神明之所福饗則有天命之應蓋龜龍銜負出於河洛以紀易代之徵其理幽昧究極神道先王恐其惑人祕而不傳說者又云孔子既叙六經以明天人之道知後世不能稽同其意故別立緯及讖以遺來世其書出於前漢有河圖九篇洛書六篇云自黃帝至周文王所受本文又別有三十篇云自初起至于孔子九聖之所增演以廣其意又有七經緯三十六篇並云孔子所作并前合

為八十一篇而又有尚書中候洛罪級五行傳詩推度
災汜厯樞含神務孝經勾命決援神契雜識等書漢代
有郗氏袁氏說漢末郎中郗萌集圖緯識雜占為五十
篇謂之春秋災異宋均鄭玄並為識律之注然其文辭
淺俗顛倒舛謬不類聖人之旨相傳疑世人造為之後
或者又加點竄非其實錄起王莽好符命光武以圖識
興遂盛行於世漢時又詔東平王蒼正五經章句皆命
從識俗儒趨時益為其學篇卷第目轉加增廣言五經

者皆憑識為說唯孔安國毛公王璜賈逵之徒獨非之
相承以為祿妄亂中庸之典故因漢魯恭王河間獻王
所得古文參而考之以成其義謂之古學當世之儒又
非毀之竟不得行魏代王肅推引古學以難其義王弼
杜預從而明之自是古學稍立至宋大明中始禁圖識
梁天監已後又重其制及高祖受禪禁之踰切煬帝即
位乃發使四出搜天下書籍與識緯相涉者皆焚之為
吏所糾者至死自是無復其學祕府之內亦多散亡今

錄其見存列于六經之下以備異說

三蒼三卷

郭璞注秦相李斯作蒼頡篇漢揚雄作訓纂篇後漢郎中賈魴作滂喜篇故曰三蒼梁有

蒼頡二卷後漢司空杜林注亡

埤蒼三卷

張揖撰梁有廣蒼一卷樊恭撰亡

急就章一

卷

漢黃門令史游撰

急就章二卷

崔浩撰

急就章三卷

豆盧氏撰

吳章

二卷

陸機撰

小學篇一卷

晉下邳內史王義撰

少學九卷

楊方撰

始學

一卷○勸學一卷

蔡邕撰有司馬相如凡將篇班固太甲篇在昔篇崔瑗飛龍篇蔡邕聖皇

篇黃初篇吳章篇蔡邕女史篇合八卷又幼學二卷朱育撰始學十二卷吳郎中項峻撰又月儀十二卷亡

發蒙記一卷

晉著作郎束皙撰

啓蒙記三卷

晉散騎常侍顧愷之撰

啓疑

記三卷

顧愷之撰

千字文一卷

梁給事郎周興嗣撰

千字文一卷

梁國子祭

酒蕭子雲注

千字文一卷

胡肅注

篆書千字文一卷 ○ 演千字

文五卷 ○ 草書千字文一卷 ○ 古今字詁三卷

張揖撰梁有難

字一卷 錯誤字一卷 並張揖撰異字

二卷 朱育撰字屬一卷 賈魴撰七

雜字解詁四卷

魏掖

庭右丞周氏撰梁有解文字七卷 周成撰字

義訓音六卷 古今字苑十卷 曹侯彥撰七

雜字指一

卷 後漢太子中庶子郭顯卿撰

字指二卷

晉朝議大夫李彤撰梁有單行字四卷 李彤撰又字

偶五卷 說文十五卷

許慎撰梁有演說文一卷 庾儼默注七

說文音隱四卷

○ 字林七卷

晉弦令吕忱撰

字林音義五卷

宋楊州督護吳恭撰

古今字

書十卷○字書三卷○字書十卷○字統二十一卷

楊承

慶玉篇三十一卷

陳左將軍顧野王撰

字類叙評三卷

侯洪伯撰

要字

苑一卷

宋豫章太守謝康樂撰梁有常用字訓一卷殷仲堪撰要用字對誤四卷梁輕車參軍鄒誕生

撰要用雜字三卷

鄒里撰梁有文字要記三卷王義撰亡

俗語難字一卷

祕書少監王劭撰

雜字要三卷

密州行參軍李少通撰

文字整疑一卷○

正名一卷○文字集略六卷

梁文貞處士阮孝緒撰

今字辯疑三

卷李少通撰異字同音一卷

梁有釋字同音三卷宋散騎常侍吉文甫撰

字宗三

卷薛立撰文字譜一卷

梁有古今文字序一卷劉歊撰文字通略一卷焦子明撰亡

文

字辯嫌一卷

彭立撰

辯字一卷

戴規撰

雜字音一卷○借音

字一卷○音書考源一卷○聲韻四十一卷

周研撰

聲類

十卷

魏左校令李登撰

韻集十卷○韻集六卷

晉安復令呂靜撰

四聲

韻林二十八卷

張諒撰

韻集八卷

段弘撰

羣玉典韻五卷

梁有

文章音韻二卷王該撰又五音韻五卷王該撰

韻略一卷

楊林撰

脩續音韻決疑十

四卷

李傑撰

纂韻鈔十卷○四聲指歸一卷

劉善經撰

四聲一

卷

梁太子少傅沈約撰

四聲韻略十三卷

夏侯詠撰

音譜四卷

李傑撰

韻

英三卷

釋靜洪撰

通俗文一卷

服虔撰

訓俗文字略一卷

後齊黃門

郎顏之推撰證俗音字略六卷梁有詁幼二卷顏延之撰廣詁幼一卷宋給事中荀楷撰

七文字音七卷晉蕩昌長王延撰翻真語一卷王延撰真

言鑒誠一卷○字書音同異一卷○叙同音義三卷○

河洛語音一卷王長孫撰國語十五卷○國語十卷○鮮卑

語五卷○國語物名四卷後魏侯伏侯撰國語真歌十卷

○國語雜物名三卷侯伏侯撰國語十八傳一卷○國

語御歌十一卷○鮮卑語十卷 國語號令四卷○國

語雜文十五卷○鮮卑號令一卷周武帝撰雜號令一卷○

古文官書一卷

後漢議郎
衛敬仲撰

古今奇字一卷

郭顯
卿撰

六文書

一卷。四體書勢一卷

晉長水校
尉衛恒撰

雜體書九卷

釋正
度撰

古

今八體六文書法一卷。古今篆隸雜字體一卷

蕭子
政撰

古今文等書一卷。篆隸雜體書二卷。文字圖二卷

○古今字圖雜錄一卷

秘書學士
曹憲撰

婆羅門書一卷

梁有
扶南

胡書外國書四卷。秦皇東巡會稽刻石文一卷。一

字石經周易一卷

梁有
三卷

一字石經尚書六卷

梁有今字
石經鄭氏

尚書八
卷七

一字石經魯詩六卷

梁有毛詩
二卷七

一字石經儀禮

九卷。一字石經春秋一卷。

梁有一卷

一字石經公羊傳九

卷。一字石經論語一卷。

梁有二卷

一字石經典論一卷。

三字石經尚書九卷。

梁有三卷

三字石經尚書五卷。三

字石經春秋三卷。

梁有二卷

右一百八部四百四十七卷。

通計亡書合一百三十五部五百六十九

卷

孔子曰必也正名乎。名謂書字名不正則言不順言不順則事不成。說者以為書之所起起自黃帝蒼頡比類。

象形謂之文形聲相益謂之字著於竹帛謂之書故有
象形諧聲會意轉注假借處事六義之別古者童子示
而不誑六年教之數與方名十歲入小學學書計二十
而冠始習先王之道故能成其德而任事然自蒼頡訖
于漢初書經五變一曰古文即蒼頡所作二曰大篆周
宣王時史籀所作三曰小篆秦時李斯所作四曰隸書
程邈所作五曰草書漢初作秦世既廢古文始用八體
有大篆小篆刻符摹印蟲書署書及書隸書漢時以六

體教學童有古文奇字篆書隸書繆篆蟲鳥并篆書楷
書懸針垂露飛白等二十餘種之勢皆出於上六書因
事生變也魏世又有八分書其字義訓讀有史籀篇蒼
頡篇三蒼埤蒼廣蒼等諸篇章訓詁說文字林音義聲
韻體勢等諸書自後漢佛法行於中國又得西域胡書
能以十四字貫一切音文省而義廣謂之婆羅門書與
八體六文之義殊別今取以附體勢之下又後魏初定
中原軍容號令皆以夷語後染華俗多不能通故錄其

本言相傳教習謂之國語今取以附音韻之末又後漢
鑄刻七經著於石碑皆蔡邕所書魏正始中又立一字
石經相承以為七經正字後魏之末齊神武執政自洛
陽徙于鄴都行至河陽值岸崩遂沒于水其得至鄴者
不盈大半至隋開皇六年又自鄴京載入長安置於祕
書內省議欲補緝立于國學尋屬隋亂事遂寢廢營造
之司因用為柱礎貞觀初祕書監臣魏徵始收聚之十
不存一其相承傳拓之本猶在祕府并秦帝刻石附於

此篇以備小學

凡六藝經緯六百二十七部五千三百七十一卷

通計

七書合九百五十部

七千二百九十卷

傳曰玉不琢不成器人不學不知道古之君子多識而
不窮畜疑以待問學不踰等教不陵節言約而易曉師
逸而功倍且耕且養三年而成一藝自孔子沒而微言
絕七十子喪而大義乖學者離羣索居各為異說至于
戰國典文遺棄六經之儒不能究其宗旨多立小數一

經至數百萬言致令學者難曉虛誦問荅屑腐齒落而不知益且先王設教以防人欲必本於人事折之中道上天之命略而罕言方外之理固所未說至後漢好圖讖晉世重玄言穿鑿妄作日以滋生先王正典雜之以祆妄大雅之論汨之以放誕陵夷至于近代去正轉踈無復師資之法學不心解專以浮華相尚豫造雜難擬為讎對遂有芟角反對互從等諸翻競之說馳騁煩言以紊彙叙誥誥成俗而不知變此學者之蔽也班固列

六藝為九種或以緯書解經合為十種

隋書卷三十二

隋書卷三十二考證

經籍志一言則左史書之動則右史書之○臣映斗按

禮記玉藻動則左史書之言則右史書之後人引用
徃徃互易云

周易講疏十三卷注國子祭酒何妥撰○監本何妥訛
何安南監本訛何晏惟閣本作何妥按妥本傳歷國
子祭酒撰周易講疏十三卷

毛詩義問十卷注魏太子文學劉楨撰○監本楨訛楨

按魏志劉楨字公幹為司空軍謀祭酒掾屬五官將
文學

毛詩草木蟲魚疏二卷注烏程令吳郡陸璣撰○監本
璣訛機按宋晁公武郡齋讀書志毛詩草木鳥獸蟲
魚疏二卷吳陸璣撰或題曰陸機非也

右一百三十六部一千六百二十二卷注通計亡書合
二百一十一部二千一百八十六卷○監本脫合字
按前後俱合亡書統算此亦合現存書與亡書統算

部卷乃符增合字

隋書卷三十二考證

謹案第三頁前一行左史倚相趨而過刊本左訛
右據左傳改

第十四頁後四行以授族子始昌刊本子訛之據
毛本改

第十七頁後六行業詩二十卷監本毛本並同唐
藝文志業作葉

第二十頁前七行梁有喪服要記六卷刊本脫記
字據唐書增

第二十三頁後三行注祁謚監本作鄭謚

第二十五頁後七行注張解撰監本解作鮮

第三十頁後三行春秋三傳評十卷刊本三訛二

據監本改


第三十一頁前二行右一百四部刊本一百四訛

九十七據監本改

第四十一頁前二行注後漢郎中賈魴作洵喜篇

刊本魴訛訪據唐書志改

前六行注崔瑗飛龍篇刊本瑗訛援據漢書藝文
志改



覆校官助教 臣吳省蘭

校對官檢討 臣王鍾健

謄錄監生 臣孫起鵬

欽定四庫全書叢要

史部

隋書卷三十三



詳校官內閣侍讀孫球

欽定四庫全書薈要卷四千六百七十七

史部

隋書卷三十三

唐太尉揚州都督監修國史上柱國趙國公臣長孫無忌等撰

史記第二十八

經籍二 史

史記一百三十卷

目錄一卷漢中書令司馬遷撰

史記八十卷

宋南中郎外兵

參軍裴駘注

史記音義十二卷

宋中散大夫徐野民撰

史記音三卷

梁

車錄事參軍

古史考二十五卷

晉義陽亭侯譙周撰

漢書一百一

鄒誕生撰

十五卷

漢護軍班固撰
山太守應劭集解

漢書集解音義二十四卷

應劭

撰

漢書音訓一卷

服虔撰

漢書音義七卷

韋昭撰

漢書音二

卷

梁潯陽太守劉顯撰

漢書音二卷

夏侯詠撰

漢書音義十二卷

國子博士

蕭該撰

漢書音十二卷

廢太子勇命包愷等撰

漢書集注十三卷

晉灼

撰

漢書注一卷

齊金紫光祿大夫陸澄撰

漢書續訓三卷

梁北平諮議參軍韋

稜撰

漢書訓纂三十卷

陳吏部尚書姚察撰

漢書集解一卷

姚察撰
論

前漢事一卷

蜀丞相諸葛亮撰

漢書駁議二卷

晉安北將軍劉寶撰

定漢

書疑二卷

姚察撰

漢書叙傳五卷

項岱撰

漢疏四卷

梁有漢書孟康

音九卷劉孝標注漢書一百四十卷陸澄注漢書一百二卷梁元帝注漢書一百一十五卷並止

東觀

漢記一百四十三卷

起光武記注至靈帝長水校尉劉珍等撰

後漢書一百

三十卷

無帝紀吳武陵太守謝承撰

後漢記六十五卷

本一百卷梁有今殘缺晉

散騎常侍

薛瑩撰

續漢書八十三卷

晉祕書監司馬彪撰

後漢書十七卷

本九十七卷今殘缺

晉少府卿華嶠撰

後漢書八十五卷

本一百二十二卷晉祠部郎謝

沈後漢南記四十五卷

本五十五卷今殘缺

後漢書九

十五卷

本一百卷晉祕書監袁山松撰

後漢書九十七卷

宋太子詹事范曄撰

後

漢書一百二十五卷

范曄本梁劉昭注

後漢書音一卷

後魏太常

劉芳撰 范漢音訓三卷 陳宗道先生臧兢撰 范漢音三卷 蕭該撰 後漢

書讚論四卷 范曄撰 漢書續十八卷 范曄撰 梁有蕭子顯後漢書一百卷王韶

後漢林二百卷韋 魏書四十八卷 晉司空王沈撰 吳書二十五

卷 韋昭撰本五十五卷梁有今殘缺 吳紀九卷 晉太學博士環濟撰晉有張勃吳錄三十卷

三國志六十五卷 叙錄一卷晉太子中庶子陳壽撰宋太中大夫裴松之注 魏志音

義一卷 盧宗道撰 論三國志九卷 何常侍撰 三國評志三卷 徐爰撰梁

有三國志序評三卷晉 晉書八十六卷 本九十三卷今殘缺晉著作郎

王隱撰 晉書二十六卷 本四十四卷訖明帝今殘缺晉散騎常侍虞預撰 晉書十

卷未成本十四卷今殘缺晉起東中興書七十八卷晉宋

湘東太守何法盛撰

晉書三十六卷

宋臨川內史謝靈運撰

晉書一百一十

卷

齊徐州主簿臧榮緒撰

晉書十一卷

本一百二卷梁有今殘缺蕭子雲撰

晉史草

三十卷

梁蕭子顯撰梁有鄭忠晉書七卷沈約晉書一百一十一卷庾銑東晉新書七卷

宋書

六十五卷

宋中散大夫徐爰撰

宋書六十五卷

齊冠軍錄事參軍孫嚴撰

宋書

一百卷

梁尚書僕射沈約撰梁有宋文

齊書六十卷

梁

部尚書蕭子顯撰

齊紀十卷

劉陟撰

齊紀二十卷

沈約撰梁有江淹齊史十三卷

梁書四十九卷

梁中書郎謝吳撰本一百卷

梁史五十三卷

陳領軍大

著作郎許亨撰

梁書帝紀七卷

姚察撰

通史四百八十卷

梁武帝撰起三

皇訖

後魏書一百三十卷

後齊僕射魏收撰

後魏書一百卷

著作

郎魏彥深撰

陳書四十二卷

訖宣帝陳吏部尚書陸瓊撰

周史十八卷

未成

吏部尚書牛弘撰

右六十七部三千八十三卷

通計上書合八十部四千三十卷

古者天子諸侯必有國史以紀言行後世多務其道彌

繁夏殷以上左史記言右史記事周則太史小史內史

外史御史分掌其事而諸侯之國亦置史官又春秋國

語引周志鄭書之說推尋事迹似當時記事各有職司
後又合而撰之總成書記其後陵夷衰亂史官放絕秦
滅先王之典遺制莫存至漢武帝時始置太史公命司
馬談為之以掌其職時天下計書皆先上太史副上丞
相遺文古事靡不畢臻談乃據左氏國語世本戰國策
楚漢春秋接其後事成一家之言談卒其子遷又為太
史令嗣成其志上自黃帝訖于炎漢合十二本紀十表
八書三十世家七十列傳謂之史記遷卒以後好事者

亦頗著述然多鄙淺不足相繼至後漢扶風班彪綴後傳數十篇并譏正前失彪卒明帝命其子固續成其志以為唐虞三代世有典籍史遷所記乃以漢氏繼於百王之末非其義也故斷自高祖終於孝平王莽之誅為十二紀八表十志六十九傳潛心積思二十餘年建初中始奏表及紀傳其十志竟不能就固卒後始命曹大家續成之先是明帝召固為蘭臺令史與諸先輩陳宗尹敏孟冀等共成光武本紀擢固為郎典校祕書固撰

後漢事作列傳載記二十八篇其後劉珍劉毅劉陶伏
無忌等相次著述東觀謂之漢記及三國鼎峙魏氏及
吳並有史官晉時巴西陳壽刪集三國之事唯魏帝為
紀其功臣及吳蜀之主並皆為傳仍各依其國部類相
從謂之三國志壽卒後梁州大中正范頴表奏其事帝
詔河南尹洛陽令就壽家寫之自是世有著述皆擬班
馬以為正史作者尤廣一代之史至數十家唯史記漢
書師法相傳並有解釋三國志及范曄後漢雖有音注

既近世之作並讀之可知梁時明漢書有劉顯韋稜陳
時有姚察隋代有包愷蕭該並為名家史記傳者甚微
今依其世代聚而編之以備正史

紀年十二卷

汲冢書并竹書同異一卷

漢紀三十卷

魏祕書監荀悅撰

後漢

紀三十卷

袁彥伯撰

後漢紀三十卷

張璠撰

獻帝春秋十卷

袁曄撰

撰魏氏春秋二十卷

孫盛撰

魏紀十二卷

左將軍蔣濟撰

漢魏春

秋九卷

孔舒撰

晉紀四卷

陸機撰

晉紀二十三卷

干寶撰

晉

紀十卷

晉前軍諮議曹嘉之撰

漢晉陽秋四十七卷

訖愨帝晉榮陽太守習鑿

撰 晉紀十一卷 訖明帝晉荊州別駕鄧粲撰 晉陽秋三十二卷 訖哀帝孫

盛 撰 晉紀二十三卷 宋中散大夫劉謙之撰 晉紀十卷 宋吳興太守王韶之撰

撰 晉紀四十五卷 宋中散大夫徐廣撰 續晉陽秋二十卷 宋永嘉太守檀道鸞

撰 續晉紀五卷 宋新興太守郭季產撰 宋畧二十卷 梁通直郎裴子野撰 宋

春秋二十卷 梁吳興令王琰撰 齊春秋三十卷 梁奉朝請吳均撰 齊典

五卷 王逸撰 齊典十卷三十國春秋三十一卷 梁湘東世子蕭萬等

撰 戰國春秋二十卷 李槩撰 梁典三十卷 劉璠撰 梁典三十

卷 陳始興王諮議何之元撰 梁撮要三十卷 陳征南諮議陰僧仁撰 梁後畧十

卷姚叡撰

梁太清紀十卷

梁長沙蕃王蕭韶撰

淮海亂離志四卷

蕭世

怡撰敘梁末侯景之亂

齊紀三十卷

紀後齊事崔子發撰

齊志十卷

後齊事王劭撰

右三十四部六百六十六卷

自史官放絕作者相承皆以班馬為準起漢獻帝雅好典籍以班固漢書文繁難省命潁川荀悅作春秋左傳之體為漢紀三十篇言約而事詳辯論多美大行於世至晉太康元年汲郡人發魏襄王冢得古竹簡書字皆科斗發冢者不以為意往往散亂帝命中書監荀勗令

和嶠撰次為十五部八十七卷多雜碎怪妄不可訓知
唯周易紀年最為分了其周易上下篇與今正同紀年
皆用夏正建寅之月為歲首起自夏殷周三代王事無
諸侯國別唯特記晉國起自殤叔次文侯昭侯以至曲
沃莊伯盡晉國滅獨記魏事下至魏哀王謂之今王蓋
魏國之史記也其著書皆編年相次文意大似春秋經
諸所記事多與春秋左氏扶同學者因之以為春秋則
古史記之正法有所著述多依春秋之體今依其世代

編而敘之以見作者之別謂之古史

周書十卷

汲冢書似仲尼刪書之餘

古文瓌語四卷

汲冢書

春秋前傳

十卷

何承天撰

春秋前雜傳九卷

何承天撰

春秋後傳三十一卷

晉著作郎樂資撰

戰國策三十二卷

劉向錄

戰國策二十一卷

高誘

撰戰國策論一卷

漢京兆尹延篤撰

楚漢春秋九卷

陸賈撰

古今

注八卷

伏無忌撰

越絕記十六卷

子貢撰

吳越春秋十二卷

趙曄

撰吳越春秋削繁五卷

揚方撰

吳越春秋十卷

皇甫遵撰

吳越

記六卷○南越志八卷

沈氏撰

小史八卷○漢靈獻二帝

紀三卷

漢侍中劉芳撰
殘缺梁有六卷

山陽公載記十卷

樂資撰

漢末英

雄記八卷

王粲撰殘缺
梁有十卷

九州春秋十卷

司馬彪撰
記漢末事

魏武

本紀四卷

梁并歷
五卷

魏尚書八卷

孔衍撰
十卷成

魏晉世語十

卷

晉襄陽令
郭頌撰

魏末傳二卷

梁又有魏末傳并
魏氏大事六卷

呂布本事

一卷

毛范撰

晉諸公讚二十一卷

晉祕書監
傅暢撰

晉後畧記五

卷

晉下邳太
守荀綽撰

晉書鈔三十卷

梁豫章內
史張緬撰

晉書鴻烈六卷

張氏撰

宋中興伐逆事二卷○宋拾遺十卷

梁少府卿
謝綽撰

左

史六卷

李暕撰

魏國統二十卷

梁祚撰

梁帝紀七卷○梁太

清錄八卷 ○梁承聖中興畧十卷劉仲威撰 梁末代紀一卷

○梁皇帝實錄三卷周興嗣撰 梁皇帝實錄五卷梁中書郎

謝吳撰記 棲鳳春秋五卷臧嚴撰 陳王業歷一卷陳中書郎趙齋

旦撰 史要十卷漢桂陽太守衛颯撰 約典畧八十九卷魏郎

中魚撰 史漢要集二卷晉祠部郎王茂撰抄 三史畧二十

九卷吳太子太傅張溫撰 史記正傳九卷張瑩撰 後漢畧二十五卷

張緬撰 漢皇德紀三十卷漢有道徵士侯瑾撰起光武至沖帝 洞紀四卷韋昭

撰記 庖犧已來至續洞紀一卷臧崇撰 帝王世紀十卷皇甫

謚撰起三皇盡漢魏

帝王世紀音四卷

撰虞綽

帝王本紀十卷

撰來奧

續帝王世紀十卷

何茂材撰

十五代畧一卷

吉文甫撰起庖犧至晉

帝

王要畧十二卷

環濟撰紀帝王及天官地理喪服

周載八卷

東晉臨賀太守孟儀

撰畧記前代下至秦本三十卷今亡

漢書鈔三十卷

晉散騎常侍葛洪撰

拾遺錄二

卷

偽秦姚萇方士王子年撰

王子年拾遺記十卷

蕭綺撰

華夷帝王世

紀三十卷

楊曄撰

正史削繁九十四卷

阮孝緒撰

童悟十二卷

○帝王世錄一卷

甄鸞撰

先聖本紀十卷

劉縉撰

年歷帝紀

三十卷

姚恭撰

帝王諸侯世畧十一卷

○王霸記三卷

潘傑撰

撰歷代記三十二卷○隋書六十卷

未成祕書
監王劭撰

右七十二部九百一十七卷

通計亡書七十三
部九百三十九卷

自秦撥去古文篇籍遺散漢初得戰國策蓋戰國遊士
記其策謀其後陸賈作楚漢春秋以述誅鋤秦項之事
又有越絕相承以為子貢所作後漢趙曄又為吳越春
秋其屬辭比事皆不與春秋史記漢書相似蓋率爾而
作非史策之正也靈獻之世天下大亂史官失其常守
博達之士愍其廢絕各記聞見以備遺亡是後羣才景

慕作者甚衆又自後漢已來學者多鈔撮舊史自為一書或起自人皇或斷之近代亦各其志而體制不經又有委巷之說迂怪妄誕真虛莫測然其大抵皆帝王之事通人君子必博采廣覽以酌其要故備而存之謂之

雜史

趙書十卷

一曰二石集記石勒事
偽燕太傅長史田融撰

二石傳二卷

晉北中郎參軍

王度撰

二石偽治時事二卷

王度撰

漢之書十卷

常璩撰

華陽

國志十二卷

常璩撰梁有蜀平記十卷
蜀漢偽官故事一卷亡

燕書二十卷

記

容雋事偽燕尚書范亨撰南燕錄五卷記慕容德事偽燕尚書郎張詮撰南燕錄六

卷記慕容德事偽燕中書郎王景暉撰南燕書七卷遊覽先生撰燕志十卷記

跋事魏侍中高問撰秦書八卷何仲熙撰秦記十一卷宋殿中將

撰梁雍州主簿席惠明注秦紀十卷記姚萇事魏左民尚書姚和都撰涼記八卷張

軌事偽燕右僕射張諮撰○涼書十卷記張軌事偽涼大將軍從事中郎劉景撰西河記

二卷記張重華事晉侍御史喻歸撰涼記十卷記呂光事偽涼著郎段龜龍撰涼書

十卷高道讓撰涼書十卷沮渠國史托跋涼錄十卷○敦煌實錄

十卷劉景撰十六國春秋一百卷魏崔纂撰纂錄一十卷○戰

國春秋二十卷

李燾撰

漢趙記十卷

和苞撰

吐谷渾記二卷

宋新亭侯段國撰梁有崔遼書二卷諸國畧紀二卷永嘉後纂年記二卷段業傳一卷

天啟紀十

卷

記梁元帝子譖據湘州事

右二十七部三百三十五卷

通計此書合三十三部三百四十六卷

傳曰不有君子其能國乎自晉永嘉之亂皇綱失馭九州君長據有中原者甚衆或推奉正朔或假名竊號然其君臣忠義之節經國字民之務蓋亦勤矣而當時臣子亦各記錄後魏克平諸國據有嵩華始命司徒崔浩

博采舊聞綴述國史諸國記注盡集祕閣爾朱之亂並皆散亡今舉其見在謂之霸史

穆天子傳六卷

汲冢書郭璞注

漢獻帝起居注五卷○晉泰始

起居注二十卷

李軌撰

晉咸寧起居注十卷

李軌撰

晉泰康

起居注二十一卷

李軌撰

晉元康起居注一卷

梁有永平元康永寧

起居注六卷又有惠帝起居注二卷永嘉建典起居注十三卷亡

晉建武大興永昌起

居注九卷

梁有二卷

晉元康起居注一卷○晉咸和起居

注十六卷

李軌撰

晉咸康起居注二十二卷○晉建元起

居注四卷○晉永和起居注十七卷

梁有二卷十四卷

晉升平起

居注十卷○晉隆和興寧起居注五卷○晉咸安起居

注三卷○晉泰和起居注六卷

梁十卷

晉寧康起居注六

卷○晉泰元起居注二十五卷

梁五十卷四卷

晉隆安起居注

十卷○晉元興起居注九卷○晉義熙起居注十七卷

梁三十卷四卷

晉元熙起居注二卷○晉起居注三百一十七

卷宋北徐州主簿劉道會撰梁有三百二十二卷

流別起居注三十七卷

梁有晉宋

起居注鈔五十一卷晉宋先朝起居注二十卷

宋永初起居注十卷○宋景

平起居注三卷○宋元嘉起居注五十五卷

梁六卷

宋孝

建起居注十三卷○宋大明起居注十五卷

梁三十四卷又有景

和起居注四卷明帝在藩注三卷

宋泰始起居注十九卷

梁二十卷

宋泰

豫起居注四卷

梁有宋成徽起居注二十卷昇明起居注六卷

齊永明起居

注二十五卷

梁有三十四卷又有建元起居注十二卷隆昌延興建武起居注四卷中興起居注

四卷

梁大同起居注十卷○後魏起居注三百三十六

卷○陳永定起居注八卷○陳天嘉起居注二十三卷

○陳天康光大起居注十卷○陳太建起居注五十六

卷○陳至德起居注四卷○後周太祖號令三卷○隋
開皇起居注六十卷○南燕起居注一卷

右四十四部一千一百八十九卷

起居注者錄紀人君言行動止之事春秋傳曰君舉必
書書而不法後嗣何觀周官內史掌王之命遂書其副
而藏之是其職也漢武帝有禁中起居注後漢明德馬
后撰明帝起居注然則漢時起居似在宮中為女史之
職然皆零落不可復知今之存者有漢獻帝及晉代已

來起居注皆近侍之臣所錄晉時又得汲冢書有穆天子傳體制與今起居正同蓋周時內史所記王命之副也近代已來別有其職事在百官志今依其先後編而次之其偽國起居唯南燕一卷不可別出附之於此

漢武帝故事二卷○西京雜記二卷○漢魏吳蜀舊事八卷○晉朝雜事二卷○晉宋舊事一百三十五卷○晉要事三卷○晉故事四十三卷○晉建武故事一卷○晉咸和咸康故事四卷

晉孔愉撰

晉修復山陵故事五卷

車灌撰

交州雜事九卷

記士燮及陶璜事

晉八王故事十卷○晉

四王起事四卷

晉廷尉盧緡撰

大司馬陶公故事三卷○郗大

尉為尚書令故事三卷○桓玄偽事三卷○晉東宮舊

事十卷○秦漢已來舊事十卷○尚書大事二十卷

范汪

撰

河南故事三卷

應思遠撰

天正舊事三卷

釋撰

皇儲故事

二卷○梁舊事三十卷

內史侍郎蕭大環撰

東宮典記七十卷

左庶

子宇文愷撰

開業平陳記二十卷

右二十五部四百四卷

古者朝廷之政發號施令百司奉之藏于官府各修其職守而弗忘春秋傳曰吾視諸故府則其事也周官御史掌治朝之法太史掌萬民之約契與質劑以逆邦國之治然則百司庶府各藏其事太史之職又總而掌之漢時蕭何定律令張蒼制章程叔孫通定儀法條流派別制度漸廣晉初甲令已下至九百餘卷晉武帝命車騎將軍賈充博引羣儒刪采其要增律十篇其餘不足經遠者為法令施行制度者為令品式章程者為故事

各還其官府搢紳之士撰而錄之遂成篇卷然亦隨代遺失今據其見存謂之舊事篇

漢官解詁三篇

漢新汲令王隆撰胡廣注

漢官五卷

應劭注

漢官儀十

卷應劭撰

漢官典職儀式選用二卷

漢衛尉蔡質撰梁荀攸魏官儀一卷韋

昭官儀職訓一卷

晉公卿禮秩故事九卷

傅暢撰

晉新定儀注十

四卷

梁有徐宣瑜晉官品一卷荀綽百官表注十六卷干寶司徒儀一卷宋職官記九卷晉百官儀服錄

五卷大興二年定官品

百官階次一卷○齊職儀五十

卷齊長水校尉王珪之撰梁有

齊職儀五卷○梁選簿

三卷

徐勉撰

梁勲選格一卷○職官要錄三十卷

陶藻撰

梁

官品格一卷○百官階次三卷○新定將軍名一卷○

吏部用人格一卷○官族傳十四卷

何晏撰

百官春秋五

十卷

王秀道撰

百官春秋二十卷○魏晉百官名五卷○晉

百官名三十卷○晉官屬名四卷○陳百官簿狀二卷

○陳將軍簿一卷○新定官品二十卷

梁沈約撰

梁尚書職

制儀注四十一卷○職令古今百官注十卷

郭演撰

右二十七部三百三十六卷

通計叅書合三十六部四百三十三卷

古之仕者名書於所臣之策各有分職以相統治周官冢宰掌建邦之六典而御史數凡從正者然則冢宰總六卿之屬以治其政御史掌其在位名數先後之次焉今漢書百官表列衆職之事記在位之次蓋亦古之制也漢末王隆應劭等以百官表不具乃作漢官解詁漢官儀等書是後相因正史表志無復百僚在官之名矣措紳之徒或取官曹名品之書撰而錄之別行於世宋齊已後其書益繁而篇卷零疊易為亾散又多瑣細不

足可紀故刪其見存可觀者編為職官篇

漢舊儀四卷

衛敬仲撰梁有衛敬仲漢中興儀一卷亡

晉新定儀注四十卷

晉安成太守傅瑗撰

晉雜儀注十一卷○晉尚書儀十卷○甲辰

儀五卷

江左撰

封禪儀六卷○宋儀注十卷○宋儀注二

十卷○宋尚書雜注十八卷

本二卷

宋東宮儀記二十三

卷

宋新安太守張鏡撰

徐爰家儀一卷○東宮新記二十卷

蕭子雲撰

梁吉禮儀注十卷

明山賓撰

梁賓禮儀注九卷

明賀瑒撰案梁山賓撰吉

儀注二百六卷錄六卷嚴植之撰凶儀注四百七十九卷錄四十五卷陸璣撰軍儀注一百九十卷錄二卷司

馬駘撰嘉儀注一百一十二卷錄三
卷並存者唯士吉及賓合十九卷
皇典二十卷梁豫章大

守丘仲
字撰 雜凶禮四十二卷○政禮十卷何胤撰梁有何胤士喪儀注九

卷 雜儀注一百八十卷○陳尚書雜儀注五百五十卷

○陳吉禮一百七十一卷○陳賓禮六十五卷○陳軍

禮六卷○陳嘉禮一百二卷○後魏儀注五十卷○後

齊儀注二百九十卷○雜嘉禮三十八卷○國親皇太

子序親簿一卷○隋朝儀禮一百卷牛弘撰大漢輿服志

一卷魏博士董巴撰魏晉諡議十三卷何晏撰汝南君諱議二卷

○決疑要注一卷

摯虞撰

車服雜注一卷

徐廣撰

禮儀制度

十三卷

王遂撰

古今輿服雜事二十卷

梁周遷撰

晉鹵簿圖一卷

卷○鹵簿儀二卷○陳鹵簿圖一卷○齊鹵簿儀一卷

○諸衛左右廂旗圖樣十五卷○內外書儀四卷

謝元撰

書儀二卷

蔡超撰

書筆儀二十一卷

謝朓撰

宋長沙檀太妃

薨弔答書十二卷○弔答儀十卷

王儉撰

書儀十卷

王弘撰

皇室儀十三卷

鮑行卿撰

吉書儀二卷

王儉撰

書儀疏一卷

周捨撰

撰

新儀三十卷

鮑泉撰

文儀二卷

梁修端撰

趙李家儀十卷

錄一

卷李穆
叔撰

書儀十卷

唐瑾撰

言語儀一卷○嚴植之儀二卷

○通儀四卷

馬樞撰

婦人書儀八卷○僧家書儀五卷

釋曇

撰瑗
要典雜事五十卷

右五十九部二千二十九卷

通計正書合六十九部三千九十四卷

儀注之興其所由來久矣自君臣父子六親九族各有
上下親疏之別養生送死弔恤賀慶則有進止威儀之
數唐虞已上分之為三在周因而為五周官宗伯所掌
吉凶賓軍嘉以佐王安邦國親萬民而太史執書以協

事之類是也是時典章皆具可履而行周衰諸侯削除其籍至秦又焚而去之漢興叔孫通定朝儀武帝時始祀汾陰后土成帝時初定南北之郊節文漸具後漢又使曹褒定漢儀是後相承世有制作然猶以舊章殘缺各遵所見彼此紛爭盈篇滿牘而後世多故事在通變或一時之制非長久之道載筆之士刪其大綱編于史志而或傷於淺近或失於未達不能盡其旨要遺文餘事亦多散亡今聚其見存以為儀注篇

律本二十一卷

杜預撰

漢晉律序注一卷

晉僉長張斐撰

雜律解

二十一卷

張斐撰案梁有杜預雜律七卷

晉宋齊梁律二十卷

蔡法撰

梁律二十卷

梁義興太守蔡法度撰

後魏律二十卷○北齊律十

二卷

目一卷

陳律九卷

范泉撰

周律二十五卷○周大統式

三卷○隋律十二卷○隋大業律十一卷○晉令四十

卷○梁令三十卷

錄一卷

○梁科三十卷○北齊令五十

卷○北齊權令二卷○陳令三十卷

范泉撰

陳科三十卷

范泉撰

隋開皇令三十卷

目一卷

隋大業令三十卷○漢朝

議駁三十卷

應劭撰案梁建武律令故事一卷應劭律畧論五卷

晉雜議十卷

○晉彈事十卷○南臺奏事二十二卷○漢名臣奏事

三十卷○魏主奏事十卷○魏名臣奏事四十卷

目一卷陳

壽撰魏臺雜訪議三卷

高堂隆撰

魏廷尉決事十卷○晉駁事

四卷○晉雜制六十卷○晉刺史六條制一卷○齊五

服制一卷○陳新制六十卷

右三十五部七百一十二卷

通計亡書合三十八部七百三十六卷

刑法者先王所以懲罪惡齊不軌者也書述唐虞之世

五刑有服而夏后氏正刑有五科條三千周官司寇掌三典以刑邦國司刑掌五刑之法麗萬民之罪太史又以典法逆于邦國內史執國法以考政事春秋傳曰在九刑不忘然則刑書之作久矣蓋藏于官府懼人之知爭端而輕於犯及其末也肆情越法刑罰僭濫至秦重之以苛虐先王之正刑滅矣漢初蕭何定律九章其後漸更增益令甲巳下盈溢架藏晉初賈充杜預刪而定之有律有令有故事梁時又取故事之宜於時者為梁

科後齊武帝時又於麟趾殿刪正刑典謂之麟趾格後周太祖又命蘇綽撰大統式隋則律令格式並行自律已下世有改作事在刑法志漢律久亡故事駁議又多零失今錄其見存可觀者編為刑法篇

三輔決錄七卷

漢太僕趙岐撰摯虞注

海內先賢傳四卷

魏明帝時撰

四海耆舊傳一卷○海內士品一卷○先賢集三卷○

兗州先賢傳一卷○徐州先賢傳一卷○徐州先賢傳

贊九卷

劉義慶撰

海岱志二十卷

齊前將軍記室崔蔚祖撰

交州先賢傳

三卷

晉范瑗撰

益部耆舊傳十四卷

陳長壽撰

續益部耆舊傳二

卷○諸國清賢傳一卷○魯國先賢傳二卷

晉大司農白褒撰

楚國先賢傳贊十二卷

晉張汝南撰 汝南先賢傳五卷

留耆舊傳二卷

漢議郎陳留耆舊傳一卷

留先賢像贊一卷

陳英宗撰

陳留志十五卷

東晉剡令江敞撰

濟北

先賢傳一卷○廬江七賢傳二卷○東萊耆舊傳一卷

王基撰

襄陽耆舊記五卷

習鑿齒撰

會稽先賢傳七卷

謝承撰

會

稽後賢傳記二卷

鍾離岫撰

會稽典錄二十四卷

虞豫撰

會稽

先賢像贊五卷○漢世要記一卷○吳先賢傳四卷

吳左

丞相陸凱撰

東陽朝堂像讚一卷

晉南平太守留叔先撰

豫章烈士傳

三卷

徐整撰

豫章舊志三卷

晉會稽太守熊默撰

豫章舊志後撰一

卷

熊欣撰

零陵先賢傳一卷○長沙舊傳讚三卷

晉臨川王郎中

劉或撰

桂陽先賢書贊一卷

吳左中郎張勝撰

武昌先賢志二卷

宋天門太守郭緣生撰

蜀文翁學堂像題記二卷○聖賢高士傳

贊三卷

嵇康撰周續之注

高士傳六卷

皇甫謐撰

逸士傳一卷

皇甫謐撰

逸民傳七卷

張顯撰

高士傳二卷

虞槃佐撰

至人高士傳讚二

卷 晉廷尉卿

孫綽撰

○高隱傳十卷

阮孝緒撰

高隱傳十卷 ○高僧

傳六卷 虞孝敬撰

止足傳十卷 ○續高士傳七卷

周弘讓撰

孝子

傳讚三卷 王昭之撰

孝子傳十五卷

晉輔國將軍蕭廣濟撰

孝子傳十

卷 宋員外郎鄭緝之撰

孝子傳八卷

師覺投撰

孝子傳二十卷

宋躬撰

孝

子傳畧二卷 ○孝德傳三十卷

梁元帝撰

孝友傳八卷 ○曾

參傳一卷 ○忠臣傳三十卷

梁元帝撰

顯忠錄二十卷

梁元帝撰

丹陽尹傳十卷

梁元帝撰

英蕃可錄二卷

張萬賢撰邵武侯新注

高才

不遇傳四卷

後齊劉畫撰

良吏傳十卷

鍾玩撰

海內名士傳一

卷○正始名士傳三卷

袁敬仲撰

江左名士傳一卷

劉義慶撰

林七賢論二卷

晉太子中庶子戴逵撰

七賢傳五卷

孟氏撰

文士傳

五十卷

張隱撰

烈士傳二卷

劉向撰

陰德傳二卷

宋光祿大夫范晏撰

悼善傳十一卷○雜傳三十六卷

任昉撰本一百四十七卷

東方

朔傳八卷○毋丘儉記三卷○管輅傳三卷

管辰撰

雜傳

四十卷

賀蹤撰本七十卷

雜傳十九卷

陸澄撰

雜傳十一卷○玄

晏春秋三卷

皇甫謐撰

孔子弟子先儒傳十卷○李氏家傳

一卷○桓任家傳一卷○王朗王肅家傳一卷○太原

王氏家傳二十三卷○褚氏家傳一卷褚覲等撰薛常侍家

傳一卷○江氏家傳七卷江祚等撰庾氏家傳一卷庾斐撰裴

氏家傳四卷裴松之撰虞氏家記五卷虞覽撰曹氏家傳一卷

曹毗撰范氏家傳一卷范汪撰紀氏家紀一卷紀友撰韋氏家

傳一卷○何顥使君家傳一卷○明氏家訓一卷偽燕衛尉

明岌撰明氏世錄六卷梁信武記室明察撰陸史十五卷○王氏江

左世家傳二十卷王褒撰孔氏家傳五卷○崔氏五門家

傳二卷崔氏撰暨氏家傳一卷○周齊王家傳一卷姚氏撰

朱家傳二卷

王氏撰

周氏家傳一卷○令狐氏家傳一

卷○新舊傳四卷○漢南家傳三卷○何氏家傳三卷

○童子傳二卷

王瑱之撰

幼童傳十卷

劉昭撰

訪來傳十卷

來與

撰懷舊志九卷

梁元帝撰

知己傳十卷

盧思道撰

全德志一卷

梁元

撰帝同姓名錄一卷

梁元帝撰

列女傳十五卷

劉向撰曹大家注

列女

傳七卷

趙母注

列女傳八卷

高氏撰

列女傳頌一卷

劉歆撰

列

女傳頌一卷

曹植撰

列女傳讚一卷

繆襲撰

列女後傳十卷

撰項原列女傳六卷

皇甫謐撰

列女傳七卷

蔡母邃撰

列女傳要錄

三卷○女記十卷杜預撰美婦人傳六卷○妬記二卷虞通

之撰道人善道開傳一卷康泓撰名僧傳三十卷釋寶高撰高僧

傳十四卷釋僧祐撰江東名德傳三卷釋法進撰法師傳十卷王巾

撰衆僧傳二十卷裴子野撰薩婆多部傳五卷釋僧祐撰梁故草

堂法師傳一卷○尼傳二卷皎法師撰法顯傳二卷○法顯

行傳一卷○梁武皇帝大捨三卷嚴嵩撰列仙傳讚三卷

劉向撰續孫綽讚劉向撰列仙傳讚二卷郭元祖撰列仙傳十卷葛洪撰

說仙傳一卷朱思祖撰養性傳二卷○漢武內傳三卷○太

元真人東鄉司命茅君內傳一卷

弟子李遵撰

清虛真人王

君內傳一卷

弟子華存撰

清虛真人裴君內傳一卷○正一

真人三天法師張君內傳一卷○太極左仙公葛君內

傳一卷○仙人馬君陰君內傳一卷○仙人許遠遊傳

一卷○靈人辛亥子自序一卷○劉君內記一卷

王珍撰

陸先生傳一卷

孔稚珪撰

列仙讚序一卷

郭元祖撰

集仙傳十卷

○洞仙傳十卷○王喬傳一卷○關令內傳一卷

鬼谷先生

撰南嶽夫人內傳一卷○蘇君記一卷

周季通撰

嵩高寇天

師傳一卷○華陽子自序一卷○太上真人內記一卷

李氏撰

道學傳二十卷○宣驗記三十卷

劉義慶撰

應驗記一

卷

宋光祿大夫傅亮撰

冥祥記十卷

王琰撰

列異傳三卷

魏文帝撰

感應

傳八卷

王延秀撰

古異傳三卷

宋永嘉太守袁王壽撰

甄異傳三卷

晉西

我主簿戴祚撰

述異記十卷

祖沖之撰

異苑十卷

宋給事劉敬叔撰

續異苑

十卷○搜神記三十卷

干寶撰

搜神後記十卷

陶潛撰

靈鬼

志三卷

荀氏撰

志怪二卷

祖台之撰

志怪四卷

孔氏撰

神錄五卷

劉之遠撰

齊諧記七卷

宋散騎侍郎東陽元疑撰

續齊諧記一卷

吳均撰

幽

明錄二十卷

劉義慶撰

補續冥祥記一卷

王曼穎撰

漢武洞冥記

一卷

郭氏撰

嘉瑞記三卷

陸瓊撰

祥瑞記三卷○符瑞記十

卷

許善心撰

靈異錄十卷○靈異記十卷○研神記十卷

蕭繹

撰

旌異記十五卷

侯君素撰

近異錄二卷

劉質撰

鬼神列傳一

卷

謝氏撰

志怪記三卷

殖氏撰

舍利感應記三卷

王劭撰

真應

記十卷○周氏冥通記一卷○集靈記二十卷

顏之推撰

寃

魂志三卷

顏之推撰

右二百一十七部一千二百八十六卷

通計叵書合二百一

十九部一千
五百三卷

古之史官必廣其所記非獨人君之舉周官外史掌四方之志則諸侯史記兼而有之春秋傳曰虢仲虢叔王季之穆勲在王室藏於盟府臧紇之叛季孫命太史召掌惡臣而盟之周官司寇凡大盟約泚其盟書登于天府太史內史司會六官皆受其貳而藏之是則王者誅賞具錄其事昭告神明百官史臣皆藏其書故自公卿諸侯至于羣士善惡之迹畢集史職而又閭胥之政凡

聚衆庶書其敬敏任卹者族師每月書其孝悌睦婣有
學者黨正歲書其德行道藝者而入之於鄉大夫鄉大
夫三年大比考其德行道藝舉其賢者能者而獻其書
王再拜受之登于天府內史貳之是以窮居側陋之士
言行必達皆有史傳自史官曠絕其道廢壞漢初始有
丹書之約白馬之盟武帝從董仲舒之言始舉賢良文
學天下計書先上太史善惡之事靡不畢集司馬遷班
固撰而成之股肱輔弼之臣扶義俶儻之士皆有記錄

而操行高潔不涉於世者史記獨傳夷齊漢書但述楊
王孫之儔其餘皆畧而不記又漢時阮倉作列仙圖劉
向典校經籍始作列仙列士列女之傳皆因其志尚率
爾而作不在正史後漢光武始詔南陽撰作風俗故沛
三輔有耆舊節士之序魯廬江有名德先賢之讚郡國
之書由是而作魏文帝又作列異以序鬼物奇怪之事
嵇康作高士傳以敘聖賢之風因其事類相繼而作者
甚衆名目轉廣而又雜以虛誕怪妄之說推其本源蓋

亦史官之末事也載筆之士刪採其要焉魯沛三輔序
贊並亡後之作者亦多零失今取其見存部而類之謂
之雜傳

山海經二十三卷

注郭璞

水經三卷

注郭璞

黃圖一卷

記三輔宮

觀陵廟明堂辟雍郊時等事

洛陽記四卷○洛陽記一卷

陸機撰

洛陽

宮殿簿一卷○洛陽圖一卷

晉懷州刺史楊佺期撰

述征記二卷

郭緣生撰

西征記二卷

戴延之撰

婁地記一卷

吳顧啟期撰

風土記三

卷

晉平西將軍周處撰

吳興記三卷

山謙之撰

吳郡記一卷

顧夷撰

京口

記二卷

宋太常卿劉損撰

南徐州記二卷

山謙之撰

會稽土地記一

卷

朱育撰

會稽記一卷

賀循撰

隋王入汭記六卷

宋侍中沈懷文撰

荊州記三卷

宋臨川王侍郎盛弘之撰

神壤記一卷

記榮陽山水黃閔撰

豫章

記一卷

雷次宗撰

蜀王本記一卷

揚雄撰

三巴記一卷

譙周撰

珠

崖傳一卷

偽燕聘晉使蓋泓撰

陳留風俗傳三卷

園稱撰

鄴中記二

卷

晉國子助教陸翹撰

春秋土地名三卷

晉裴秀京相璠撰

衡山記一卷

宋居士撰

遊名山志一卷

謝靈運撰

聖賢冢墓記一卷

李彤撰

佛國

記一卷

沙門釋法顯撰

遊行外國傳一卷

沙門釋智猛撰

交州以南外

國傳一卷○十洲記一卷

東方朔撰

神異經一卷

東方朔撰
張華注

異物志一卷

後漢議郎
楊孚撰

南州異物志一卷

吳丹陽太守
萬震撰蜀

志一卷

東京武平太守
常寬撰

發蒙記一卷

束皙撰
載物產之異

地理書一

百四十九卷

錄一卷陸澄合山海經已來一百六十家
以為此書澄本之外其舊事並多零失見

存別部自行者唯四
十二家今列之於上

三輔故事二卷

晉世撰

湘州記二卷

庚仲雍撰 吳郡記二卷

晉本州主簿
顧夷撰

日南傳一卷

○江記五卷

庚仲雍撰 漢水記五卷

庚仲雍撰

居名山志一卷

謝靈運撰

西征記一

卷戴祚撰

廬山南陵雲精舍記一卷○永初山川古今記

二十卷 齊都官尚書劉澄之撰

元康三年地記六卷○司州記二

卷○并帖省置諸郡舊事一卷○地記二百五十二卷

梁任昉增陸澄之書八十四家以為此記其所增舊書亦多零失見存別部行者唯十二家今列之於上 山

海經圖讚二卷 郭璞注 山海經音二卷○水經四十卷 鄒善

長 廟記一卷○地理書抄二十卷 陸澄撰 地理書抄九卷

任昉撰 地理書抄十卷 劉黃門撰 洛陽伽藍記五卷 後魏楊銜之撰 荆

南地志二卷 蕭世誠撰 巴蜀記一卷○交州異物志一卷 楊孚

撰 元康六年戶口簿記三卷○元嘉六年地記三卷○

九州郡縣名九卷○扶南異物志一卷朱應臨撰臨海水土

物志一卷沈瑩撰益州記三卷李氏撰湘州記一卷郭仲彥撰湘

州圖副記一卷○四海百川水源記一卷釋道安撰京師寺

塔記十卷錄一卷劉珍撰華山精舍記一卷張光祿撰南雍州記六

卷鮑至撰京師寺塔記二卷釋曇景撰張騫出關志一卷○外

國傳五卷釋曇景撰歷國傳二卷釋法盛撰西京記三卷○京師

錄七卷○尋江源記一卷○後園記一卷○江表行記

一卷○淮南記一卷○古來國名二卷○十三州志十

卷闕駟 慧生行傳一卷○宋武北征記一卷戴氏撰 林邑

國記一卷○涼州異物志一卷○閔象傳二卷閻先司生撰

州山川古今記三卷劉澄之撰 江圖一卷張氏撰 江圖二卷劉氏

撰 廣梁南徐州記五卷虞孝敬撰 水飾圖二十卷○甌閩傳

一卷○北荒風俗記二卷○諸蕃風俗記二卷○男女

二國傳一卷○突厥所出風俗事一卷○古今地譜二

卷○輿地志三十卷陳顧野王撰 序行記十卷姚最撰 魏永安

記三卷溫子昇撰 國都城記二卷○周地圖記一百九卷○

冀州圖經一卷○齊州圖經一卷○齊州記四卷

李叔布撰

幽州圖經一卷○魏聘使行記六卷○聘北道里記三

卷

江德藻撰

李諧行記一卷○聘遊記三卷

劉師知撰

朝覲記六

卷○封君義行記一卷

李繪撰

輿駕東行記一卷

薛泰撰

北

伐記七卷

諸葛穎撰

巡撫揚州記七卷

諸葛穎撰

○大魏諸州記

二十一卷○并州入朝道里記一卷

蔡允恭撰

趙記十卷○

代都畧記三卷○世界記五卷

釋僧祐撰

州郡縣簿七卷○

大隋翻經婆羅門法師外國傳五卷○隋區宇圖志一

百二十九卷○隋西域圖三卷

裴矩撰

隋諸州圖經集一

百卷

郎蔚之撰

隋諸郡土俗物產一百五十一卷○西域道

里記一卷○諸蕃國記十七卷○方物志二十卷

許善心撰

并州總管內諸州圖一卷

右一百三十九部一千四百三十二卷

通計上書合一百四

十部一千四百三十四卷

昔者先王之化民也以五方土地風氣所生剛柔輕重飲食衣服各有其性不可遷變是故疆理天下物其土

宜知其利害達其志而通其欲齊其政而修其教故曰
廣谷大川異制人居其間異俗書錄禹別九州定其山
川分其圻界條其物產辨其貢賦斯之謂也周則夏官
司險掌建九州之圖周知山林川澤之阻達其道路地
官誦訓掌方志以詔觀事以知地俗春官保章以星土
辨九州之地所封之域以觀祿祥秋官職方掌天下之
圖地辨四夷八蠻九貊五戎六狄之人與其財用九穀
六畜之數周知利害辨九州之國使同其貫司徒掌邦

之土地之圖與其人民之教以佐王擾邦國周知九州
之域廣輪之數辨其山林川澤丘陵墳衍原隰之名物
及土會之法然則其事分在衆職而冢宰掌建邦之六
典實總其事太史以典逆冢宰之治其書蓋亦總為史
官之職漢初蕭何得秦圖書故知天下要害後又得山
海經相傳以為夏禹所記武帝時計書既上太史郡國
地志固亦在焉而史遷所記但述河渠而已其後劉向
畧言地域丞相張禹使屬朱貢條記風俗班固因之作

地理志其州國郡縣山川夷險時俗之異經星之分風氣所生區域之廣戶口之數各有攸敘與古禹貢周官所記相埒是後載筆之士管窺末學不能及遠但記州郡之名而已晉世摯虞依禹貢周官作畿服經其州郡及縣分野封畧事業國邑山陵水泉鄉亭城道里土田民物風俗先賢舊好靡不具悉凡一百七十卷今亾而學者因其經歷並有記載然不能成一家之體齊時陸澄聚一百六十家之說依其前後遠近編而為部謂之

地理書任昉又增陸澄之書八十四家謂之地記陳時
顧野王抄撰衆家之言作輿地志隋大業中晉詔天下
諸郡條其風俗物產地圖上于尚書故隋代有諸郡物
產土俗記一百三十一卷區宇圖志一百二十九卷諸
州圖經集一百卷其餘記注甚衆今任陸二家所記之
內而又別行者各錄在其書之上自餘次之於下以備
地理之記焉

世本王侯大夫譜二卷○世本二卷

劉向撰

世本四卷

宋

撰漢氏帝王譜三卷梁有宋譜四卷劉湛百家譜二卷齊帝譜屬十卷

○百家集譜十卷王儉撰梁有王逡之續儉百家譜四卷南族譜二卷百家譜拾遺一卷又

有齊梁帝譜四卷百家譜三十卷王僧孺撰百家譜集鈔十

五卷王僧孺撰百家譜二十卷賈執百家譜十五卷傅昭百

家譜世統十卷○百家譜鈔五卷○姓氏英賢譜一百

卷賈執撰案梁有王司空新集諸州譜十一卷又別有諸姓譜一百一十六卷益州譜四十卷關東關北譜

三十三卷梁武帝總責境內後魏辯宗錄二卷元暉後

十八州譜六百九十卷魏皇帝宗族譜四卷○魏孝文列姓族牒一卷○後齊

宗譜一卷○益州譜三十卷○冀州氏族譜二卷○洪州諸姓譜九卷○吉州諸姓譜八卷○江州諸姓譜十一卷○諸州雜譜八卷○袁州諸姓譜八卷○揚州譜鈔五卷○京兆韋氏譜二卷○謝氏譜一十卷○楊氏血脉譜二卷○楊氏家譜狀并墓記一卷○楊氏枝分譜一卷○楊氏譜一卷○北地傅氏譜一卷○蘇氏譜一卷○述系傳一卷

姚最撰

氏族要狀十五卷○姓苑一

卷何氏撰複姓苑一卷○齊永元中表簿五卷○竹譜一

卷○錢譜一卷

顧烜撰

錢圖一卷

右四十一部三百六十卷

通計此書合五十三部一千二百八十卷

氏姓之書其所由來遠矣書稱別生分類傳曰天子建德因生以賜姓周家小史定繫世辨昭穆則亦史之職也秦兼天下剷除舊迹公侯子孫失其本繫漢初得世本敘黃帝已來祖世所出而漢又有帝王年譜後漢有鄧氏官譜晉世摯虞作族姓昭穆記十卷齊梁之間其書轉廣後魏遷洛有八氏十姓咸出帝族又有三十六

族則諸國之從魏者九十二姓世為部落大人者並為河南洛陽人其中國士人則第其門閥有四海大姓郡姓州姓縣姓及周太祖入關諸姓子孫有功者並令為其宗長仍撰譜錄紀其所承又以關內諸州為其本望其鄧氏官譜及族姓昭穆記晉亂已亾自餘亦多遺失今錄其見存者以為譜系篇

七畧別錄二十卷

劉向撰

七畧七卷

劉歆撰

晉中經十四卷

荀勗撰 晉義熙已來新集目錄三卷○宋元徽元年四部

書目錄四卷

撰 王儉

今書七志七十卷

撰 王儉

梁天監六年

四部書目錄四卷

撰 殷鈞

梁東宮四部目錄四卷

撰 劉遵

梁

文德殿四部目錄四卷

劉孝標撰

七錄十二卷

阮孝緒撰

魏闕書

目錄一卷○陳祕閣圖書法書目錄一卷○陳天嘉六

年壽安殿四部目錄四卷○陳德教殿四部目錄四卷

○陳承香殿五經史記目錄二卷○開皇四年四部目

錄四卷○開皇八年四部書目錄四卷○香厨四部目

錄四卷○隋大業正御書目錄九卷○法書目錄六卷

○雜儀注目錄四卷○雜撰文章家集敘十卷

荀勗撰

文

章志四卷

摯虞撰

續文章志二卷

傅亮撰

晉江左文章志三

卷

宋明帝撰

宋世文章志二卷

沈約撰

書品二卷○名手畫錄

一卷○正流論一卷

右三十部二百一十四卷

古者史官既司典籍蓋有目錄以為綱紀體制堙滅不可復知孔子刪書別為之序各陳作者所由韓毛二詩亦皆相類漢時劉向別錄劉歆七畧剖析條流各有其

部推尋事迹疑則古之制也自是之後不能辨其流別但記書名而已博覽之士疾其渾漫故王儉作七志阮孝緒作七錄並皆別行大體雖準向歆而遠不逮矣其先代目錄亦多散亡今總其見存編為簿錄篇

凡史之所記八百一十七部一萬三千二百六十四

卷

通計亡書合八百七十四部
一萬六千五百五十八卷

夫史官者必求博聞強識疏通知遠之士使居其位百官衆職咸所貳焉是故前言往行無不識也天文地理

無不察也人事之紀無不達也內掌八柄以詔王治外
執六典以逆官政書美以彰善記惡以垂戒範圍神化
昭明令德窮聖人之至蹟詳一代之齏齏自史官廢絕
久矣漢氏頗循其舊班馬因之魏晉已來其道逾替南
董之位以祿貴遊政駿之司罕因才授故梁世諺曰上
車不落則著作體中何如則祕書於是尸素之儔盱衡
延閣之上立言之士揮翰蓬茨之下一代之記至數十
家傳說不同聞見舛駁理失中庸辭乖體要致令允恭

之德有闕於典墳忠肅之才不傳於簡策斯所以為蔽也班固以史記附春秋今開其事類凡三十種別為史部

隋書卷三十三

隋書卷三十三考證

經籍志二漢皇德紀三十卷注漢有道徵士侯瑾撰○
監本瑾訛謹按後漢文苑傳侯瑾字子瑜

涼書十卷注沮渠國史○監本沮訛汨按晉書載記沮
渠蒙遜為北涼

交州雜事九卷注記士燮及陶璜事○監本璜訛黃按
晉書陶璜傳孫皓時璜為蒼梧太守遂陷交趾因用
為交州刺史璜有謀策開置三郡及九真屬國三十

餘縣入晉封宛陵侯

條流派別○監本派訛派按派音孤水名與流派之派
匹卦切者異

隋書卷三十三考證

謹案第六頁後一行姚最撰刊本最訛最據毛本
及唐藝文志改

第十頁後四行注席惠明按唐志作杜惠明

第十七頁前一行司馬襲撰嘉儀注一百一十二
卷刊本襲訛聚據監本改

第二十頁後八行注崔蔚祖按監本蔚作慰

第二十三頁後四行知已傳十卷注盧思道撰刊
本盧訛慮據監本及唐志改

第二十四頁前三行王中撰據困學紀聞說文通
釋中當作中

第二十五頁前二行宣驗記三十卷監本作十三
卷

後七行寃魂志三卷刊本魂訛魏據監本及唐志
改


第二十八頁前一行注宋太常卿劉損撰按唐志
作劉損之

第三十三頁前四行區宇圖志刊本宇訛于據毛
本改

第三十四頁前八行複姓苑一卷刊本複訛復據
監本改

第三十七頁前六行於是尸素之儔刊本尸訛戶
據監本改





覆校官助教臣吳省蘭

校對官檢討臣王鍾健

謄錄貢生臣張賦京